




吳詩集覽卷十一上

七言律詩一之上

黎城靳榮藩介人輯



王貽上曰陳卧子七言沈雄瑰麗近代作者未見其比直冠古之才一時瑜亮獨有梅村耳

梅村官本朝時詩以雜感之其四其五卽事

之其八其九其十滇池鏡吹之其一爲極選蓋

梅村立朝時吳逆耿逆之氣燄所謂炙手可

熱者而梅村能直刺其隱至梅村歿後而其言

乃驗卽以代嘉謨入告可也風雲月露猶刺技

矣梅村七律或謂其藻飾太甚然子美秋興

八首已有以此疑之者郝仲輿曰由其材大而

氣厚格高而聲宏如萬石之鐘不能爲喞喞細

響河流萬里那能不千里一曲此足爲子美解

嘲亦足爲梅村起例也惟其集中間有酌應之

吳詩集覽

卷十一上

一

作當分別觀之耳梅村七律格調聲響大畧

相同然集中上駟應推登上方橋至秣陵口號

九首揚州四首壽李太虛四首贈遼左故人六

首滇池鏡吹四首以其聲情并到意思纏綿數

首可合爲一首一首中又自具開闔變化之妙

耳他如追悼夜宿蒙陰刺城曉發登縹緲峯皆

足繼美唐音至和友人走馬二首次劉安邱一

首送曹秋岳四首送朱遂初四首贈袁韞玉四

首聞台州警四首觀蜀鵲啼四首贈會

梅村

鎮洋縣志梅村在大倉衛東舊爲明吏部郎

小言

王士騏別墅名貴園亦名新莊祭酒吳偉業

積籬茅舍

拓而新之易今名有樂志堂梅花庵交蘆

積籬茅舍

庵嬌雪樓鹿樵溪含橙亭蒼溪亭諸勝

慣遲作答愛書來閒聽聽雨攤詩卷獨樹看雲上嘯臺

桑落酒香盧橘美釣船斜繫草堂開三四句寫情五六

復○枳籬見閩園序蜀志秦宓傳宓稱疾臥在茅舍蒼

苔見讚佛詩陸務觀詩乞竹寬編養鶴籠庾自直詩

分花曲水香劉文房詩閒居手自栽宋書王微傳不

好詣人北史邢邵傳性好談賞又不能閑獨公事歸休

恒須賓客自伴按第三句暗用之韋端已詩馬嘶朝客

過嵇叔夜絕交書素不便書又不喜作書而人間多

專堆案盈几不相酬答則犯教傷義按第四句翻用之

李正已詩茅山道士寄書來閒窻見觀山水圖歌聽

雨見山齋聽雨杜詩詩卷長留天地間獨樹見贈古

如和尚看雲見虎邱夜集圖儲光羲詩夜夜登嘯臺

後史補河中桑落坊有井每至桑落時取其寒暄得所

以井水釀酒甚佳故號桑落酒舊京人呼為桑郎蓋語

訛耳上林賦盧橘夏

熟釣船見東萊行

良齋雜說梅村詩云不好詣人貪客過慣遲作答愛

書來雅人深致實獲我心雖然客過佳矣而叵耐者

吳詩集覽 卷十一 上

二

閑雜之客書來幸矣而難堪者通套之書故予有句
云座上絕無騎馬客案頭只有換鵝書可為梅村進
一解也蔡元長一日無客則病元度一日見客則病
劉穆之自旦至日中應答百函嵇叔夜不喜作書堆
案盈几不相酬答人各有能有不能豈可強
乎 教忠堂曰自寫名士風流漸入宋格矣

王烟客招往西田同黃二攝六王太子彥及家舅

氏朱昭芭李爾公賓侯兄弟賞菊烟客西田子彥

並已見鎮洋縣

志黃翼聖號攝六歷安吉知州乙酉棄官歸隱

見送黃子羽梅村朱昭芭墓誌君諱明鑄昭芭

其字吳郡之太倉人明詩綜昭芭太倉州儒學

生程迺亭曰李爾公兄弟皆崑山人太常之戚
蘇州府志順治十二年進士崑山李
開鄴賓侯改名可沂歷官湖廣提學

九秋風物令公香原註文蕭嗜菊此其遺愛三徑滋培處士莊花似

賜緋兼賜紫人曾衣白對衣黃未堪醉酒師彭澤欲借

飡英問首陽轉眼東籬有何意莊嚴金色是空王首句指文

蕭次句指烟客三四是菊是烟客不可復辨也五六寫

出烟客晚節結句則欲逃禪矣通篇不脫菊字而用意

高妙與泛填故實者不同○九秋見闈圍詩韓君平詩

風物妻妻宿雨收孔史高允傳文成重允嘗不名之恒

呼為令公公之號播于四遠矣李頎詩風流三接令

公香明史王錫爵傳字元馭大學士贈太保謚文肅

三徑見遺闕唐書車服志三品以上紫五品以上緋

白援衣白兼用王宏送酒事晉書陶潛傳執事者聞

之以為彭澤令在縣公田悉令種秫穀曰令吾常醉于

酒足矣楚辭夕餐秋菊之落英轉眼見鴛湖曲陶

詩采菊東籬下莊嚴見贈蒼雪注水經注漢明帝夢

大人金色項佩白光以問羣臣或對曰

西方有佛形如所夢空王見咏山茶序

吳詩集覽 卷十一 上 三

賞菊詩名作多矣吾于此
兩首尚論其世固有取焉

其二

不扶自直疎還密已折仍開瘦更妍最愛蕭齋臨素壁

好因高燭耀華鈿坐來艷質同杯泛老去孤根僅瓦全

原註蔣者起結賦也卽比苦向鄰家怨移植奇人籬下受人憐

也卽比也中四句亦有次第○史記三王世家蓬生麻中不扶

自直蕭齋見後東臯歌王文考魯靈光殿賦素壁皜

曜以月照蘇詩少恐夜深花睡去故燒高燭照紅粧

夔子慎詩少婦多艷冶花鈿繫石榴唐趙存約詩坐
來驚艷質陸務觀詩瑞茗分成乳泛杯杜詩老去詩
篇渾漫質又艷頰旣沒孤根深北齊書元景安傳大丈
夫寧可玉碎不能瓦全戰國策室不能相和出語鄰
家未爲通計也南齊書張融傳丈夫當刪詩書制禮

樂何至因循寄人籬下
范德機詩富貴翻受憐

和王太常西田雜興韻

嚴滄浪詩話古人酬唱不次韻此風始盛於元白皮

陸本朝諸賢乃以闋工遂至往復有八九和者儲光羲有田家雜興詩

一卧溪雲相見稀繫船枯柳叩斜扉橋通小市魚蝦賤

水遠孤村烟火微到處琴書攜自近驟來賓客看人圍

書將松雪花溪卷補入西田老衲衣

雅令之作○杜詩一卧滄江驚歲晚

許仲晦詩溪雲初起日沉閣

蘇詩繫船枯柳根隔書食貨志長吏扣扉而達曙韓君平詩橋通小市家林

近陸魯望幽居賦樵歸而水繞孤村杜牧之詩人踈烟火微

琴書見六韋歌

按驟來賓客即不速之客

意元史趙孟頫傳自號松雪道人程迥亭曰花溪在蘇州閶門內范莊前即文正公故宅趙文敏曾作花溪

吳詩集覽

卷十一上

四

圖冥子華詩西林近衲衣

八首工雅入妙然名園野圃中有前代遺老在故為可貴非泛填山居故事者也讀之可以想見烟容之

其二

積暑空庭鳥雀稀泉聲入竹冷巖扉芒鞋藤杖將迎少

懈舍魚莊生事微病酒客攜茶舫到舫

音

罷棋人簇畫

圖圍日斜清簟追凉好移榻梧陰見解衣

後半首更入佳景○顏延

之詩孰知寒暑積謝靈運詩空庭來鳥雀張文昌詩烟深鳥雀稀杜牧之詩枕遶泉聲客夢涼儲光羲詩巖扉長不闕芒鞋見贈蒼雪社詩兼將老藤杖將迎見碧清湖序懈舍魚莊見送杜敬武杜詩錦官城西生

事微詩小雅傳病酒曰醒三國志韋曜傳密賜曜茶
薜以當酒徐勿文詩童收奕罷棋貢仲章詩小市人
家簇杜詩清簾疎簾看奕棋追涼見罄清湖
飛詩暑天移榻就深竹杜詩西掖梧桐樹空留一院陰
解衣見
六直歌

其三

苦竹黃蘆宿火稀渡頭人歇望歸扉偶添小閣林巒秀

漸見歸帆烟靄微蔬圃草深鳧雁亂水亭橋沒芰荷圍

夜涼捲幔深更話已御秋來白袷衣

中四寫景最佳似中唐人語結亦淡

遠百詩黃蘆苦竹遠宅生宿火見別字令弟

渡頭

見避亂小閣見西田詩林巒見二十五日詩

歸帆

見山水圖歌張子壽詩烟靄遠晴川宋延清詩江空潭

靄微

吳詩集覽北史蕭大園傳蔬圃居前坐簷而看灌圃杜詩

雪賦御

草深迷市井杜必簡詩荷芰水亭開

孟詩松月生夜涼孫逖詩捲幔五湖秋深更見遇劉雪舫

其四

竹塢花潭過客稀灌畦纔罷掩松扉道人石上支頤久

漁父磯頭欵乃微潮沒秋田孤鶩遠閣舍山雨斷虹圍

亭臯木落黃州夢江海翩躚一羽衣

中晚妙境似劉文房許仲晦諸人

儲光羲詩花潭竹嶼傍幽溪

杜詩薄暮還灌畦皮襲

美詩松扉欲啓如鳴鶴

王詩摺頤問樵客摺一作支

按字典云後人因本集註有一本作襖靄遂直音欵為

襖乃爲靄不知彼註自謂別本作襖靄非謂欵乃當音

襖靄也正韻上聲解韻乃音靄而上聲巧韻襖部不收

款去聲泰韻乃音愛而去聲效韻與部不收款至若早韻收款音窾絕不註明有襖與二音此可證款不音襖
澳而款之譌作欸明矣又乃有靄音無愛音正韻增音
愛非其說起於楊用修謝臯羽詩湖波潮生蒼鶻起
李詩棄置秋田草滕王閣序落霞與孤鶩齊飛杜必
簡詩日氣含殘雨杜詩山雨尊仍在李詩斷虹天帳垂
柳文暢詩亭臯木葉下采朱或可談蘇子瞻謫黃州
居州之東坡自號東坡居士後赤壁賦木葉盡脫又夢
一道士又
羽衣翩躚

其五

亂後歸來桑柘稀牽船補屋就柴扉游魚目見江湖濶
野雀何知身體微聽說詩書田父喜偶談城市醉人圍
昨朝換去機頭布已見新縫短後衣
中四用事渾然無迹起結有味外意

吳詩集覽

卷十一上

六

○桑柘見西田詩牽船補屋見高郵道中注范彥龍
詩有客欸柴扉陶詩臨水愧游魚莊子魚相忘於江
湖儲光義詩噴噴野田雀不知軀體微宋史蘇軾
傳與田野老相從溪山間醉人見鴛湖曲賈閻
仙詩背如刀剪機頭錦法震詩新
縫鶴氅裘莊子說劍篇短後之二衣

其六

勝情今日似君稀鷺立灘頭隱釣扉屋置茶寮圖陸羽
軒開畫壁祀探微蕭齋散帙知航癖高座談經早解圍
手植松枝當麈尾雲林居士水田衣
此首蕭然意遠詩品與西田同妙矣

○勝情詳訪吳永調蘇詩鷺立漁船夜雨乾山堂
肆考僧名所曰茶寮圖史補竟陵龍蓋寺僧積公於水
邊得嬰兒育爲弟子稍長自筮得蹇之漸繇曰鴻漸於
陸其羽可用爲儀乃姓陸字鴻漸名羽羽嗜茶善品茶泉

始荆煎茶法著茶經三卷

翟國輔詩畫壁感靈迹探

微見虞山圖歌

蕭齋見後東臯歌王詩散映理章句

杜詩爲人性癖耽佳句 高座見贈蒼雪談經見蒼公

墓晉書列女傳疑之弟獻之嘗與賓客談議辭理將屈

道韞遣婢白獻之曰欲爲小郎解圍 第七句見閩園

詩 明史倪瓚傳自號雲林居士王詩乞飯從香積栽

衣學水田楊升菴菘林

伐山袈裟一名水田衣

其七

相逢道舊故交稀偶過鄰翁話掩扉陶氏先疇思士行

謝家遺緒羨宏微城中賜第書千卷祠下豐碑柳十圍

今日亂離牢落甚秋風禾黍淚沾衣

此首作感慨語 史記滑稽傳權然

道故狂彥之詩海內故交稀

見西田詩其三 先疇見送子彥南歸晉書陶侃傳字

吳詩集覽 卷十一 上

七

士行本鄱陽人也吳平徙家廬江之尋陽滕妾數十家

僮千餘珍奇寶貨富於天府

書惟子小子嗣守文武

成康遺緒南史謝密傳字宏微謝混以劉毅黨見誅混

妻晉陵公主改適琅邪王練公主雖執意不行而詔與

謝氏離絕公主以混家事委之宏微混仍世宰相一門

兩封田業十餘處僮役千人惟有二女年並數歲宏微

經紀生業事若在公一錢尺帛出入皆有文簿宋武受

命晉陵公主降封東鄉君以混得罪前代東鄉君節義

可嘉聽還謝氏自混亡至是九年而室宇修整倉廩充

盈門徒不異平日田疇墾闢有加於舊東鄉君嘆曰僕

射生平重此一子可謂知人僕射爲不亡矣

晉書賀

循傳賜第一區唐書柳宗元傳家有賜書三千卷尚在

善和里舊宅 豐碑見讀西臺記晉書桓温傳行經金

城見所種柳皆已十圍 牢落兒遇南廂園叟 耿漳

其八

詩秋風動禾黍 沾衣見圓園曲

春曉臺前春思稀故圍蘿薜繞山扉
僮畊十畝桑麻熟僧住一龕鐘磬微
題就詩篇纔滿壁種來松栝已成圍

而今却向西田老換石栽花典敝衣

自第六首至此俱似陸劍南集○陳

嵩伯詩雞聲春曉上林中 艷詩春思亂如麻
張道濟詩不將蘿薜易簪纓何仲言詩向夕敞山扉
十畝桑麻見壽王鑑明 范致能詩困眠醒坐一龕多
松栝見維陽行 栽花見再寄三弟社詩朝回日
日典春衣

壽王子彥五十

二十登車侈壯游軟塵京雒紫驂騶
九成宮體銀鈎就

原註善 萬卷樓居玉軸收

原註家有樓名萬卷

縱解擣菹非漫戲

歐體 卽看哺餽亦風流

原註善

荀輿芒屨春山路故舊相

吳詩集覽

卷十一上

八

逢總白頭

從二十起暗寓壽意中四句寫子彥才藝皆壯游之事白頭句回映壯游○世說登車攬

轡有澄清天下之志杜有壯游詩 陸務觀詩東華軟

塵飛撲帽京洛見送龔孝升紫騮見馬草行 一統志

九成宮在鳳翔府麟遊縣西按九成宮隋之仁壽宮也

唐太宗作記命率更令歐陽詢書銀鈎見九友歌 對

禪書仙人好樓居玉軸見觀通天法帖 晉書陶侃傳

擣菹者收豬奴戲耳 南史王景文傳袁粲見之歎曰

景文非但風流可悅乃哺餽亦復可觀 字典噉同啖

其二

舊業城西二頃田著書聞已續長編
兩賢門第知應補

十上才名祇自憐投老漫栽居士服
畏人還趲孝廉船

只因梅信歸來晚手植松枝暗記年

此首言子彥老于孝廉也結句帶壽

字意○舊業見閩園詩二項田見贈陸生史記老子傳強爲我著書長編見呈李太虛按兩賢疑指錫爵衡盛事美談江南李國主選奇表殊才有門第者戰國策說秦王書十上而說不行才名見贈陸生杜詩歸來祇自憐投老見西田詩其四居士服見閩園詩魏文帝詩客子常畏人晉書張憑傳舉孝廉劉惔遺傳教覓張孝廉船按五言律送子彥自註云王以孝廉不仕後因事避吏將入都五六蓋指其事皮襲美詩梅信微侵地障紅天唐新詠元裴法師西域取經手摩靈巖寺松曰吾西去汝可西長吾若歸卽東向使弟子知之及去其杖年年西向一年忽向東弟子曰吾師歸矣果然號摩頂松

其三

懶將身世近浮名殘客繇來厭送迎獨處意非關水石逢人口不識杯鎗衣帽蘊藉多風貌硯几清嚴見性情

吳詩集覽

卷十一上

九

子弟皆賢賓從好似君纔勿媿平生

此下二首子彥卷于遊矣暗承前首

說下壽字在卽離之間○浮名見別字令

南史張纘

傳吾不能對何敬容殘客晉書皇甫謐傳吾送迎不出

門

劉希夷詩飛蘿蒙水石

南史陳暄傳何水曹眼

不識杯鎗

孔史成淹傳旣而勅送衣帽漢書薛廣德

傳爲人溫雅有醞藉宋書孔凱傳風貌清嚴

魏文帝與吳質書輪輿徐動賓從無聲

張如哉曰獨處二句正說厭殘客故上首云哺醜此

云不識杯鎗也若逢知己則其四之五簋留賓又約

高士

矣

高士

其四

雖云文籍與儒林獨行居然擅古今五簋留賓高士約百金投客故人心尊籘布列圖書貴花木蕭疎池館深

晚向鹿門思采藥漢濱漁父共浮沉

此非梅村用意之作起句似弱○文

籍見贈馬訥生史記有儒林傳

後漢書有獨行傳

按五簋蓋本於易之二簋用亨詩之每食四簋也

駱賓

王詩陳遵投轄正留賓

莊子今一朝而得百金

尊

羹見九友歌圖書見六真歌序

蕭疎見琴清湖序池

館見哭志衍第七句見襄陽注

後漢書荀爽傳隱

於海上又南遁漢濱積十餘年漁父莊子篇名浮沉見

讀史雜

詩其三

姜如須從越中寄詩次韻

程迓亭曰明史核傳云阮大鍼得志滋欲殺核

甚核變姓名逃之寧波國亡乃解其

從越中寄詩謂自寧波寄詩來也

漂泊江湖魯兩生亂離牢落暮雲平秦餘祀日刊黃縣

越絕編年紀赤城南菊逢人懷故國西牕聽雨話陪京

吳詩集覽

卷十一

十

不堪兄弟頻回首落木蕭蕭非世情

秦餘祀日指如須山東故里越絕編

年言如須越中著述也明史諸王傳附魯監國以海此

詩蓋引其事○漂泊見避亂其二魯兩生見讀史雜詩

牢落見越南廂園叟王詩千里暮雲平孟詩人物

是秦餘祀日見東萊行左傳宣七年秦置黃縣史記秦

始皇紀二十八年始皇東行郡縣乃並勃海以東過黃

睡窮成山登之累一統志黃縣故城在登州府黃縣東

南越絕見讀史雜感公羊傳春秋編年四時具然後

爲年赤城見壽王鑑明杜詩南菊再逢人卧病李

義山詩何當共剪西窓燭却話巴山夜雨時南都賦陪

京之南居漢之陽杜詩無邊落木蕭蕭穠叔夜絕交書有必不堪者七

下陶詩遺我遺世情

如須越中原韻未詳按明詩綜如須寄吳學士二首

飄飄揚白花溶溶大江天衢旣阻修良人隔萬里

妾身如飛蓬貞潔聊自矢朝立青雲端暮倚朱樓裏

四顧多傍徨塵沙蔽野起梧桐摧爲薪蘭蕙化爲枳

中夜坐長嘆皓首思君子楚山有良璞昆池有奇琛
投之非其主誰能明我心掩袖向前游驅車出丹岑
延頸蓬島上白日忽以沉北首瞻行旅邊雨正浸淫
念我平生交淚下沾衣襟按梅村赴召在順治十
年如須已前卒故梅村過姜如農詩云哭弟在途窮
自注如須避地没于吳下也如須二詩皆自悲而非
送吳良人隔萬里指思陵投之非其主指由崧若以
北首行旅爲梅村被召則如須前卒無從寄詩矣

言懷

苦留蹤跡住塵寰學道無成且閉關只爲魯連寧蹈海

誰云介子不焚山枯桐半死心還直斷石經移辭自斑

欲就君平問消息風波幾得釣船還

三四用意○苦留見圓圖曲蘇詩仲

氏新得道一漚目塵寰王詩中歲頗好道又歸來且
閉關魯連蹈海見東萊行

列仙傳介子推者姓王

吳詩集覽

卷十一上

十一

名光晉人也焚山見退谷歌枚叔七發龍門之桐其
根半死半生杜詩扶桑西枝封斷石獨孤至之詩酒

壚苔蘚斑李詩不必問君平

風波見鴛湖曲釣船見東萊行

周五子似讀書愛客白擲劇飲又善音律好方伎

爲此詩以啁之

孔齊書元文遙傳白擲劇飲亦天性所得史記倉公傳方技所長

及所能治病者具悉而對字典技通作伎漢書東方朔傳注師古曰啁與嘲同

大隱先生賦索居比來詩酒復何如馬融絳帳仍吹笛

劉向黃金止讀書窮賴文章供飲博興因賓客賣田廬

莫臨廣武頻長嘆醉後疎狂病未除

看中四句銷納題面處○王康琚詩

小隱隱林藪大隱隱朝市禮吾離羣而索居絳帳見贈馮訥生後漢書馬融傳好吹笛漢書劉向傳字子

政本名更生淮南有枕中鴻寶苑秘書書言神仙使鬼物爲金之術而更生父德武帝時治淮南獄得其書更
生幼而誦讀以爲奇獻之言黃金可成 五代史楚世
家馬殷子十餘人飲博謹呼 漢書疏廣傳顛自有舊
田廬 晉書阮籍傳嘗登廣武觀楚漢戰處漢曰時無
英雄使豎子成名 漢書蓋寬饒傳無多酌我我酒
狂 白詩踈狂屬年少 宋史五行志
咸平六年改元肆赦民病悉除

同許九日顧伊人洞庭山館聽雨

按蘇州有洞庭山 東山西洞庭山

然古洞書卷用洞庭山記闔閭使靈威丈人尋
洞內石几上有素書三卷蓋指西洞庭山耳

應物詩山
館夜聽雨

曉閣登臨意渺然蘆花蕭瑟五湖天雲深古洞藏書卷

木落空山奏管絃魚市有租堪載酒橋官無俸且高眠

吳詩集覽 卷十一 上

十一

莫愁一夜西牕雨笠澤烟波好放船

起句是洞庭山館
結句聽雨第三四

句皆咏閩閩夫差古蹟蓋雲深之古洞曾藏書卷木落
之空山曾奏管絃猶云回首可憐歌舞地耳非梅村于
聽雨之時又奏管絃也○渺然見送沈旭輪 湖天見
王文恪墓 古洞藏書見林屋洞 楊處道詩空山正
落花管絃見山茶花 百詩艇子收魚市載酒見清風
使節圖 橋官見橋歌漳詩高眠遠岫微 第七句見
次姜如須韻 笠澤見送何省齋烟
波見朱氏書樓序放船見鴛湖曲

過甫里謁願公因遇雲門具和尚

甫里見贈徐子
能 按願公願

雲也具和尚具德
也見贈願雲師

晴湖百頃寺門橋梵唱魚龍影動搖三要宗風標漢月

原註具公之師
同論三元三要

四明春雪送江湖

原註具
公越人

高原落木天

邊斷獨夜寒鐘句裏銷布襪青鞋故山去扁舟蘆荻冷

蕭蕭原註時應佛日請將行從過甫里謂願公起三

故後一首只代具師答也○賈闡仙詩晴湖勝鏡碧百

屠音連簷接響魚龍見打水詞杜詩三峽星河影動搖

前授以臨濟一宗者也蘇州府志法藏字於密號漢月

無錫蘇氏子十五薙度神者來告有四十悟道六十歸

空之懸記捫虱新詭宗門建立要須一句具三元一元

中具三要一統志四明山在寧波府鄞縣西南道書

以為第九洞天名丹山赤水之天周圍入百餘里綿亘

府之奉化慈溪鄞縣紹興之餘姚上虞嵊縣台州之寧

海諸境又姚江在餘姚縣治南東入寧波府慈谿縣界

為慈谿江高原見贈穆大苑先王仲宣詩獨夜不

能寐六一詩詠唐人詩夜半鐘聲到客船甚佳但夜半

非撞鐘時按南史邱仲浮讀書嘗以中宵鐘聲為限則

吳詩集覽卷十一上

是半夜鐘矣青鞋布襪見六真歌注故

山見猿劉夢得詩故壘蕭蕭蘆荻秋

代具師答贈

微言將絕在江南一杖穿雲過石龕早得此賢開講席

便圖作佛住精藍松枝豎義無人會貝葉翻經好共參

塵尾執來三十載相逢誰似使君談

句句用典却自清空如話此詩品也

蘇詩

○晉書樂廣傳

自昔諸賢既沒恐微言將絕石龕蒼蘚

杖不知巖谷深穿雲但覺衣裘重戴幼公詩

積阿含經

此賢者可共說不共說講席見曇陽觀

圖作佛見六真歌

精藍見咏山茶花

松枝塵尾見

閩園詩

文心雕龍

揄揚以發藻汪洋以樹義唐韻

徐錯

日樹之言豎也

張文昌詩翻經依貝葉使君見虞

圖山

與友人譚遺事

曾侍驪山清道塵六師講武小平津雲旄大纛星辰動

天策中權虎豹陳一自羽書飛紫塞長教鉦鼓恨黃巾

孤臣流涕青門外徒使田橫客笑人前半首譚遺事之盛然用曾侍字貫

下實處皆虛後半首譚遺事之衰結到自己身上正與曾字相應○杜詩曾侍驪山清路塵講武見海戶曲

按小平津出袁紹傳李詩承恩借獵小平津七命建雲髦啓雄芒注雲髦雲旄竿上旄旄也髦與旄古字通

明史儀衛志北斗旗一纛一居前豹尾一居後史記五帝紀旁羅日月星辰水波土石金玉通典唐武德初

高祖以秦王功殊今古乃特置天策上將軍以拜焉明史職官志有天策衛親軍指揮使左傳宣十二年中權

後勁注中軍制謀精兵為殿明史儀衛志虎豹各二馴象六分左右羽書見臨江參軍紫塞見雁門尚書行

吳詩集覽 卷十一 上

十四

漢書東方朔傳戰陣之具鉦鼓之教黃巾見雒陽行青門見青門曲通鑑綱目南北朝齊于琳之勸陸

超之逃亡超之曰吾若逃亡非惟孤晉安之眷亦恐田橫客笑人

追悼

秋風蕭索響空幃酒醒更殘淚滿衣辛苦共嘗偏早去

亂離知否得同歸君親有媿吾還在生死無端事總非

最是傷心看釋女一窓燈火照鳴機題用追字便與初悼者不同三句是

悼字正面四句兼寫自己五六專就自己說結到釋女意又諄摯通首寫得追字出非通用語也○蕭索見沈

象圖李詢詩入窻明月鑒空幃陸務觀詩三更酒醒殘燈在淚滿衣見海戶曲辛若見寄陳直方李易

安詞知否知否詩迨及公子同歸又百歲之後歸于其居杜詩有愧百年身又亂後嗟吾在史記田單傳

如環之無端謝元暉樂府
佳期期未歸望望下鳴機

謁范少伯祠

原註在金明寺中有陶朱公里四字碑少伯陶朱并見鑿清湖嘉興府志金明教寺在府治西南二里相傳范蠡故宅有范蠡祠祠前卽范蠡湖

艤棹滄江學釣漁五湖何必計然書山川禹穴思文種

烽火蘇臺弔伍胥

集作胥臺今從儀衍集

浪擲紅顏終是恨拜辭

烏喙待何如却嗟愛子猶難免霸越平吳事總虛

首句從淨

于五湖說全篇則曩括范傳也二三四五六七各用一人伴說何必總虛相爲呼應○廣韻艤與機同整舟向

岸唐韻棹同櫂滄江見讀西臺記漢書貨殖傳范蠡嘆曰計然之策十用其五而得意旣以施國吾欲施之

家廼乘扁舟浮江湖史記貨殖傳勾踐困于會稽乃用范蠡計然唐書藝文志范子計然十五卷范子問計然

吳詩集覽

卷十一上

五

答也禹穴見閩園序吳越春秋大夫種者國之梁棟

烽火見閩州行蘇州府志姑蘇臺一名胥臺在橫山

西北麓姑蘇山上日知錄吳越春秋吳王夫差十三年將與齊戰道出胥門因過姑胥之臺越絕書吳王起姑

胥之臺五年乃成史記伍被對淮南王言見麋鹿遊姑蘇之臺古胥蘇二字多通用左傳注伍員字子胥紅

顏見圓圓曲指西子也吳越春秋蠡復爲書遺種曰越王爲人長頸烏喙不可以共晏樂蠡辭于王史記

何踐世家朱公居陶生少子及壯而朱公中男殺人囚于楚乃裝黃金千鎰遣其少子朱公長男固請欲行

朱公不聽長男欲自殺朱公不得已而遣長子竟持其弟喪歸朱公獨笑曰前日吾所爲欲遣少子固爲其能

棄財故也而長者不能故卒以殺其弟事之理也史記仲尼弟子傳被吳強晉而霸越

題登封兩烈婦并梧遺恨詩

原註焦太僕孫婦楊氏牛氏

封縣在河南府東南一百二十里梅村登封三節婦傳周氏者太僕寺少卿與嵩公次子文學

仲榮之妻也楊氏者焦君陽長之婦周藩儀賓四聰公之女也嘗手列女傳一編與如牛氏講貫義旨登封既圍急乃約牛氏同死指梧下井曰此吾兩人畢命處也嗚呼若兩烈婦者誠無愧于其姑矣河南府志焦子春登封人嘉靖乙丑進士歷太僕少卿又孝義志楊氏生員焦復亨妻牛氏生員焦謙亨妻同日死烈梧井施愚山梧井篇序癸未寇陷登封諸生焦陽長妻楊其弟之妻牛並投梧下井以死焦追悼有梧井遺恨篇

少室山頭二女峰斷猿哀雁暮雲重早題薛石留貞史

却寫椒漿事禮宗恨血千年埋慘澹寒泉三尺照從容

碧梧夜落秋堦冷環珮歸來聽曉鐘首句從登封籠起全題三四兩烈婦

五六井梧遺恨結句深竊兼與起處相應○少室見石谷圖歌楊炯詩思逐斷猿哀沉雲卿詩霜濃候雁哀

吳詩集覽 卷十一上

六

暮雲見呈李太虛僧清洪詩待月伴雲眠薛石 楚

辭奠桂酒兮椒漿後漢書列女傳皇甫規妻者規卒董卓欲聘之不從罵卓卓怒鞭撲交下遂遇害後人圖畫

之號曰禮宗恨血見雁門尚書行慘澹見蓉清湖

韓咏井詩寒泉百尺空看影杜詩碧梧棲老鳳凰枝

白詩秋階日上多杜詩環珮空歸月夜魂戴幼公詩

相留畏曉鐘

按寫有書寫之義又有傾寫之義周禮地官稻人掌稼下地以澮寫水是也又有摹寫之義史記秦始皇紀秦每破諸侯寫放其宮室作之咸陽是也此詩第四句從傾寫為長

鴛湖感舊

予曾過吳來之竹亭湖墅出家樂張飲後來之

以事見法重游感賦此詩感舊見遇南廂園叟蘇州府志崇禎七

年甲戌進士吳江吳昌時來之吏部郎中按明史以爲嘉興人見鷺湖曲梅村張南垣傳其所爲園則吳吏部之竹亭爲最著張仲舉詩船頭載家樂張欽見九峯歌向子期思舊賦序嵇康呂安各以專見法

落日晴湖放楫迴故人曾此共登臺風流頓盡溪山改

富貴何常簫管哀燕去妓堂荒蔓合雨侵鈴閣野棠開

停橈却望烟深處記得當年載酒來此當與駕湖曲同時作首尾切定湖

字○杆詩落日放船好晴湖見過甫里放楫見蓉清湖登臺見呈李太虛風流盡見哭志衍溪山見避亂

唐書呂才傳此名位不常何也阮詩簫管有遺音梁王安在哉妓堂見老妓行陸務觀詩雨餘荒蔓上頽垣晉書羊祜傳鈴閣之下許仲晦詩行殿有基荒薺合寢園無主野棠開陳伯玉詩停橈問土風載酒

吳詩集覽

卷十一上

見清風使節圖

按王肱枕蚓菴瑣語吳昌時官吏部大營甲第侵越比隣曾生基地以築垣曾生往爭之昌時漫云垣在爾基卽爾垣矣何必爭竟不讓還後吳羅法棄市房亦尋遭回祿家業凌替而是垣今果歸曾氏嗚呼生存華屋處零落歸山邱觀此首及駕湖曲蓋不勝高臺曲池之感矣來之復社名士而未能免俗重爲蚓菴所譏可嘆也

武林謁同門張石平

原註河南人官糧儲觀察武林見送杜于皇石詩昔我

同門友一統志浙江督糧道駐杭州府河南通志辛未進士張天機蘭陽人官叅議

湖山曉日鳴笳吹楊柳春風駐羽幢二室才名官萬石

兩河財賦導三江舊游笑我連珠勒多難逢君倒玉缸

十載弟兄無限意夜深聽雨話西牕

起二句是武林觀
察三句切河南四

句切根儲後半是調同門意○韓詩旗穿曉日雲霞雜
絳吹見送何省齋 陳伯玉詩楊柳春風生朱子詩脩

脩列羽幢 按二室謂太室少室也才名見壽龔芝麓

史記萬石君傳名奮姓石氏 唐書食貨志兩河中夏

貢賦之地又予之富饒之地以辨財賦導江出禹貢三

江見林屋洞 舊遊見虎邱夜集圖王詩玉把角弓珠

勒馬 多難見送王子彥 岑參詩花撲玉缸春酒香

唐文宗詩憑高何限量 聽雨話西牕見次姜如須韻

登數峯閣禮浙中死事六君子 原註鴻寶倪公茗
柯凌公巢軒周公

四名施公磊齋吳公賓日陳公 西湖志廣化

寺在孤山之南舊名孤山寺歲久傾圮崇禎甲

申杭人卽其外建數峯閣錢塘縣志數峰閣在

六一泉寺門祀鴻寶倪公元璐茗柯凌公義渠

巢軒周公鳳翔四名施公邦耀磊齋吳公麟徵

宿日陳公良謨旁爲先覺堂以祀鄉先達死事

見哭志行 明史倪元璐傳字玉汝上虞人戶

部尚書兼侍讀學士李自成陷京師自縊而死

又凌義渠傳字駿甫烏程人爲大理卿賊犯都

城自繫奮身絕吭而死 又周鳳翔傳字儀伯浙

江山陰人歷中允諭德京師陷題詩壁間自經

又施邦耀傳字爾韜餘姚人左副都御史城陷

命家人市信石雜燒酒卽途中服之血迸裂而

卒 又吳麟徵傳字聖生海鹽人吏科都給事中

城陷遂自經 又陳良謨傳字 吳文宗 士亮 鄞人 御史 城陷自縊 死

四山風急萬松秋遺廟西冷枕碧流故國衣冠懷舊友

孤忠日月表層樓赤虹劍血埋燕市白馬銀濤走越州
盛事若修陪祀典漢家園寢在昭邱 從數峯閣起三四
寫禮字意五句是
六君子殉義處六句是六君子故里也結到鍾山波瀾
壯濶○陸務觀詩四山沉沉萬籟寂風急見避亂蘇詩

吳詩集覽

卷十一

萬松嶺上黃千葉 遺廟西冷見送胡彥遠李詩惟見
碧流水 王詩萬國衣冠拜冕旒 宋史韓琦曰如琦
孤忠每賴神道相助 崔亭伯七依飛閣層樓 古今註
貫白虹劍名 史記刺客傳荆軻嗜酒日與狗屠及高漸
離飲于燕市 白馬銀濤見送徐次桓注隋書地理志
會稽郡大業初置越州 東坡謝表衣冠或以爲盛事
配祀明堂出易疏按唐書德宗紀貞元元年八月襲封
配享功臣子孫配享卽陪祀也 圍寢見後東臯歌昭
邱見永

和宮詞

陳青雷以半圃索題走筆戲贈

程迓亭曰陳震生
字青雷崇禎癸未

平介 進士居半圃白有醉後走筆酬劉五

主簿詩張正言有戲贈杜侍御詩

半間茅屋半牀書 半賦閑游半索居 領略溪山應不盡

平分風月復何如 黥癡互有纜忘世 廉讓中間好結廬

吳詩集覽 卷十一 上

九

自是圖全非易事 與君隨意狎樵漁

此所謂走筆戲贈
也句句有半字在

內○傳燈錄千峯頂上一間屋老僧半間雲半間茅屋
見海戶曲子山小園賦落葉半牀 李有中詩閒游恣
逸情索居見明周子傲 黃晉直詩領略古法生新奇
平分見分水龍王廟 梁書徐勉傳今夕止可談風月
不宜及公事 晉書顧愷之傳初愷之在桓溫府常云
愷之體中癡黠各半 論衡政之適也人相忘于世 南
史胡諧之傳臣所居廉讓之間結廬見題河渚圖

晉書載記贊 匿智圖全

杜詩何處狎樵漁

吳詩集覽卷十一下

七言律詩一之下

題西冷閨詠 并序

石城下君者系出田居隱借蠶室巖子著同聲

之賦元文詠嬌女之篇辭旨幽閑才情明慧寫

柔思於却扇選麗句以當窻足使蘇蕙扶輪左

芬失步矣

西冷見河渚圖 石城見吳志行齊書下彬傳

室按左傳僖二十四年與女偕隱乃母子不必指夫婦也 圖繪寶鑑吳岩子太平人詩文甚

富畫惟寫意山水書工草楷戊巳間曾寓西湖諸名宿與之唱和 樂府解題同聲歌漢張衡所

吳詩集覽

卷十一下

一

作也言婦人幸充閨房願勉供婦職以喻臣子之事君也 徐電發鈇續本事詩金陵閨秀下

元文名夢珏能詩後適廣陵劉孝廉師峻其母曰吳曦子名山太平人縣丞下琳配詩文甚富

兼工書法左 太平沖詩吾家有嬌女 詩闕雅傳是幽閒貞專之善女 明慧見永和宮詞 子

山為上黃侯世子與婦書分杯帳裏却扇牀前 通鑑中宗戲竇從一以老乳母王氏嫁之令從

一誦却扇詩數首 注唐人成婚之夕有催妝詩却扇詩 杜詩清辭麗句必為隣當窻見送周

子俶 晉書列女傳竇滔妻蘇氏始平人也名蕙字若蘭善屬文滔苻堅時為秦州刺史被徙

流沙蘇氏思之織錦為迴文旋圖詩以贈滔宛轉循環以讀之詞甚悽惋凡八百四十字 山

趙國公集序 大雅扶輪小山承蓋 晉書后妃傳左貴嬪名芬少好學善綴文各亞于兄思莊

子失其故步 故里秦淮早駕木蘭之楫僑居明聖重

來油壁之車風景依然湖山非故趙明誠金石之錄卷軸亡存蔡中郎蓋白之詞紙筆猶在予覽其篇什擷彼風華體寄七言詩成四律愧非

劉柳聞白雪之歌謬學徐陵敘玉臺之咏云爾

秦淮見玉京墓三輔黃圖昭帝時以文梓爲

船木蘭爲柁李詩木蘭之柁沙棠舟字典旅寓曰僑居

按明聖湖卽西湖錢塘記明聖湖在縣南三里油壁車見青門曲世說風景不

殊舉目有江山之異宋史藝文志趙明誠金石錄三十卷通考明誠宰相挺之子其妻易安

居士李氏爲作後序卷軸見壽王鑑明中

郎見又咏古世說魏武與楊修嘗過曹娥碑下碑背有黃絹幼婦外孫藎白八字修曰藎白受辛也于字爲辭所謂絕妙好辭也丹鉛錄引世

吳詩集覽

卷十一 下

二

說註曹娥碑在會稽而魏武楊修未嘗過江俟考南史劉溉傳舉動風華善于應答晉書

王凝之妻謝氏傳字道韞奕之女也蔭居會稽家中莫不嚴肅太守劉柳聞其名請與談議道

韞素知柳名亦不自阻乃簪髻素禠坐于帳中柳束修整帶造于別榻柳退而歎曰實項所未

見瞻察言氣使人心形俱服按白雪借用宋玉

答問兼用道韞詠雪事詳第四首注南史徐陵傳字孝穆隋書經籍志

玉臺新咏十卷徐陵撰

落日輕風雁影斜蜀牋書字報秦嘉絳紗弟子稱都講

碧玉才人本內家神女新詞填杜若如來半偈繡蓮花

糝成小閣熏香坐不向城南鬪鈿車此四首做玉溪生體而第一首尚露

梅村本色寫閨字處多寫咏字處少結句見巖子身分張如哉曰第一首指巖子故有報秦嘉語下三首兼詠

元文當是元文未歸劉孝廉時○雁影見海戶曲續
博物志元種使蜀營放薛濤造十色彩箋以寄宋史吳
越世家蜀賤盈丈玉臺新詠漢秦嘉字士會隴西人爲
郡上計掾其妻徐淑寢疾還不獲面別贈詩三章妻亦
答詩絳紗見贈馮訥生注後漢書侯霸傳師事九江
太守房元治穀梁春秋爲元都講庾詩定知劉碧玉
偷嫁汝南王才人內家見永和宮詞宋玉有神女賦
填詞見琵琶行楚辭山中人兮芳杜若如來見鐵獅
歌半偈見得願雲書張如哉曰此句暗用長齋繡佛事
華嚴經蓮花世界是廬舍那佛成道之國王詩粧成
只是薰香坐小閣見西田詩城南見

琵琶行杜牧之詩繡鞅瓏璁走鈿車

城南見

王貽上觀吳巖子書扇詩紈扇凝香小字斜似同金
梳寄秦嘉景陽宮畔文君井明聖湖頭道韞家繡閣
新詞名漱玉朱絲妙格字簪花烟波風雨錢塘路望
斷西陵油壁車龔孝升至白下吳巖子以詩見貽展
玩之餘輒爲遙和兼送其卜居湖上送春猶及柳絲
風杜宇情多繞故宮草長六橋香欲去花飛三月夢

吳詩集覽

卷十一 下

三

初逢青溪烟雨知何代後庭玉樹紛難再啼鳥應改
舊朱樓當年人影雙雙在萬事飄零自由鴟鬲一
艇還網繆博山簾捲開芳咏無數紅蘭正竝頭九天
咳唾明珠墜玉鈎敲醒鸚哥醉聞閣文章事已音江
山罨畫家如寄千秋逸韻落晴湖廡下何須
更儼吳爲著風流高士傳敢題金粉麗人圖

其二

晴樓初日照芙蕖姑射仙人賦子虛紫府高閑詩博士
青山遺逸女尚書賣珠補屋花應滿刻燭成篇錦不如

自寫雜神題小像一簾秋水鏡湖居

此首寫咏字爲多
高朗入妙○杜牧

之詩晴樓入野烟常建詩初日照高林子建洛神賦皎
如太陽升朝霞灼若芙蕖出綠波莊子藐姑射之山

有神人居焉文選子虛賦註相如遊梁乃著子虛賦

十洲記青邱有風山山恒震聲有紫府宮天真仙女遊

于此地獄詩數行誰似高閣魏志甄皇后傳注后年九
歲喜書視字輒識數用諸兄筆硯兄謂后言汝當習女
工用書爲學當作女博士耶唐詩紀事文宗好五言自
制品格多同蕭代而古調清峻嘗欲置詩博士北史
潘徽傳事多遺逸魏畧明帝選女子知書可付信者六
人以爲女尚書典省外奏事杜詩侍婢賣珠回牽蘿
補茅屋南史王僧孺傳竟陵王子良嘗夜集學士刻
燭爲詩四韻者則刻一寸以此爲率雜神賦序臣聞
河雒之神名曰慮妃然則君王之所見也母乃是乎小
像詳長平輓詩韓持國詩一簾花雨自黃昏秋水莊
子篇名鏡湖
見送田髯淵

王貽上觀下篆生書扇詩雙峯南北盡紅蕖晝靜瓊
閨敞碧虛鸚鵡雕籠初教賦櫻桃小閣獨攤書名篇
縉密知難並諸妹天人總未如若許他年尋白社丹
青簾外藕花居自注扇有白社丹青之句張如哉曰
貽上題書扇詩俱次梅村原韻此首云下篆生未知
篆生卽元文別字否諸妹天人或元文之姊妹行歟

吳詩集覽

卷十一下

四

其三

五銖衣怯鳳皇雛珠玉爲心冰雪膚綠屨侍兒春袂襖

紅牙小妹夜携蒲瓊牕日暖櫻桃賦粉箑風輕蛺蝶圖

頻歛翠蛾人不識自將書札問麻姑咏字于點染處得之與第一首同妙

不沾煞博異志貞觀中岑文本于山頂避暑有叩門

云上清童子岑問曰衣服皆輕細何土所出答云此上

清五銖服又問曰比聞六銖者天人衣何五銖之異答

云尤細者則五銖也洞冥記東方朔曰臣過萬林之野

獲九色鳳雛張如哉曰九子鸞雛閭玉釵見青門曲

莊子肌膚若冰雪南史東昏侯紀潘氏乘小輿宮人

皆露禪著綠絲屨侍兒見老妓行春袂襖見畫蘭曲
岑參詩紅牙鏤馬對携蒲童誥北元中元道君太保王
郎李靈飛之小妹梁簡文帝詩何時玉窻裏夜夜更
縫衣柳文暢詩日暖江南春按群芳譜有張莒紫宸殿

前櫻桃樹賦似非此詩所指或泛舉賦櫻桃詩者耳
傅武仲羽扇賦搖輕箑以致涼缺蝶圖見宮扇
百詩忽聽黃鶯欲翠蛾又養在深閨人不識
古詩遣我一書札神仙傳王方平遣人召麻姑曰王方平敬報久不到民間今來在此想姑能暫來語否顧逋翁詩近得麻姑書信否張如哉曰札問麻姑含滄桑之感卽序中湖山非
故意

董以寧字文友卞元文過毘陵寓吳氏水閣因次梅村韻畫堂燕子正初雛荔子紅衫映雪膚細語淺斟銀鑿落迎涼閒賭玉擲蒲闌中筆陣留書札鏡裏眉峰是畫圖縱有篋聽不得青溪愁絕蔣家姑宗元鼎字定九和卞元文百柳園對雪卽看小韞妹學畫懸思風雪際嬌怯應難支倚檻憐衣薄寧梅倩妹持茗香消旅况筆墨是心知無那園中絮飄如二月時張如哉曰梅村詩紅牙小妹當卽是此詩所云小韞妹也而貽上題下篆生書扇亦云諸妹天人摠未如或小韞妹卽篆生與抑篆生卽元文與俟考又曰梅

吳詩集覽

卷十一下

五

村又有瑜芬侍兒詩不言姓卞而萬年少則有贈卞瑜芳詩豈瑜芳瑜芬亦姊妹與抑芬芳實一人與俟考

其四

石城楊柳碧城鸞謝女詩篇張女彈鸚鵡歌調銀管細
琅玕字刻玉釵寒雙聲宛轉連珠格八體濃纖倒蔗看

閒整筆牀攤素卷棠梨花發倚闌干
此首亦寫咏字為多與其二同妙

張如哉曰歌調承張女彈字刻承謝女詩宛轉承歌調濃纖承字刻逐句分承說下銀管是簫管之管玉釵謂字體也○古樂府莫愁在何處莫愁石城西又暫出白門前楊柳可藏烏季義山碧城詩女牀無樹不棲鸞晉書列女傳雪驟下謝安曰何所似也道韞曰未若柳絮因風起潘安仁笙賦輟張女之哀彈又選註蓋古曲

未詳所起採蘭雜志河間王琛有妓曰朝雲善歌又有綠鸚鵡善語朝雲每歌鸚鵡和之聲若出一探愛之

號為綠朝雲北夢瑣言湘東王筆有三品德行精粹者用銀筆書之琅玕見讚佛詩其三司馬長卿美人賦

玉釵挂臣冠法書苑顏魯公與懷素同學書于鄔兵曹或問曰張長史見公孫大娘舞劍器始得低昂回翔之

狀兵曹有之乎懷素以古釵腳對南史謝莊傳王元謨問何者為雙聲何者為疊韻答曰互護為雙聲礪礪

為疊韻宛轉見七夕卽事文選演連珠註所謂連珠者興于漢章之世班固賈逵傳毅三子受詔作之北史

江式傳秦有八體一曰大篆二曰小篆三曰符書四曰蟲書五曰摹印六曰署書七曰殳書八曰隸書洛神賦

穠纖得中王譜文字志倒薤書者垂支濃直若薤葉也

樹萱錄梁簡文製筆牀以四管為一牀劉越石詩素

卷莫啓幄無談賓羣芳譜棠梨野梨也李嘉祐詩野棠自發空流水李詩沉香亭北倚闌干

張如哉曰石城在楚地後人誤以金陵之石頭城為石城因傳三山門外有莫愁湖洪容齋隨筆已辨之

吳詩集覽

卷十一 下

六

矣此詩用石城楊柳亦以石頭城為石城也

海市四首

原註次張石平觀察韻三齊記畧海

偶一見之四明者有見之漳州者蓋不獨登州

為然近子姻張石平少參見于瀾吳梅村諸公

皆有詩

紀之

仙人太乙祀東萊不信蓬瀛此地開虹跨斷崖通羽蓋

魚吞倒影出樓臺碧城烟合青葱樹赤岸霞蒸絳雪堆

聞道秦皇近南幸舳艫千里射蛟回

四首變化離奇雅與題稱雖非梅村

極筆然他人正自難到史記封禪書天神貴者太乙

又公孫卿言見神人東萊山若云欲見天子遂至東萊

宿留之文自威宣燕昭使人入海求蓬萊方丈瀛洲

劉子儀詩虹跨屋臺晚陸魯望詩蒼翠無言空斷崖

東京賦羽蓋葳蕤魏仲先詩洗硯魚吞墨漢書郊祀志遙與輕舉登遐倒景更記天官書海旁蜃氣象樓臺

碧城見前首梁簡文帝詩溶溶紫烟合青葱見行路難注魏志陳思王傳南極赤岸東臨滄海劉伯溫詩

日炙霞蒸似錦紅漢武內傳仙家上藥有元霜絳雪史記秦始皇紀始皇出遊望于南海方士徐市等入海

求神藥數歲不得乃詐曰為大鯨魚所苦故不得至願請善射與俱乃令入海者資捕巨魚具而自以連弩候

大魚出射之漢書武帝紀南巡狩自尋陽浮江親射蛟江中獲之舳艫千里張如哉曰此合用秦皇漢武事

其二

灝氣空濛萬象來非烟非霧化人裁仙家困為休糧閉

河伯宮因娶婦開金馬衣冠蒼水使石鯨風雨濯龍臺

鑿空博望頻回首天漢乘槎未易才中四對仗極工○灝氣見縹緲峯補

吳詩集覽 卷十一 下

七

註杜詩空濛辨魚艇萬象見蓉清湖史記天官書若烟非烟若雲非雲郁郁紛紛蕭索輪囷是謂卿雲列子

周穆王時西極之國有化人來王執化人之祛騰而上者中天乃止仙家困見石公山杜彥之詩自言因病

學休糧河伯娶婦見再觀打水金馬見洗象圖吳越春秋禹登衡嶽夢見赤繡衣男子自稱蒼水使者曰

聞帝使文命于此故來候之西京雜記昆明池刻玉石為鯨魚每至雷雨常鳴吼鬣尾皆動濯龍臺見海戶

曲漢書張騫傳封騫為博望侯然騫鑿空天漢見織女荆楚歲時記漢武帝令張騫使大夏尋河源乘槎

渚次飲之還問君平曰某年某月客星犯牽牛宿正此人到天河時也晉書王珣傳王

掾當作黑頭公皆未易才也

其三

東南天地望中收神鬼蒼茫百尺樓秦時長松移絕島

梁園修竹隱滄洲雲如車蓋旌旗繞峯近香爐烟靄浮

却笑燕齊迂怪士祇知碣石有丹邱對仗既齊聲響尤壯較前兩首更覺

一氣貫注○杜詩飄泊西南天地間蒼茫見歸雲洞

三國志陳登傳劉脩曰欲卧百尺樓上史記封禪書

秦襄公作西時文公作鄜時宣公作密時靈公作吳陽

上時祭黃帝作下時祭炎帝獻公作畦時戰國策墨子

曰荆有長松文梓杜詩絕島容烟霧圖經梁孝王有

修竹園南史袁粲傳嘗作五言詩言訪迹雖中宇循寄

乃滄洲蓋其志也魏文帝詩西北有浮雲亭亭如車

蓋王詩青山盡是朱旗繞香爐峯見闕園序張文昌

詩闌干宿靄浮封禪書海上燕齊迂怪之方士碣

石見東萊行楚辭仍羽人于丹邱兮留不死之舊鄉

其四

激浪崩雲壓五湖天風吹斷海城孤千門聽擊馮夷鼓

吳詩集覽卷十一下 八

六博看投玉女壺蒲類草荒春徙帳滄溟月冷夜探珠

誰知曼衍魚龍戲翠蓋金支滿具區後半首更爲入妙非梅村不能○元

詩激浪誠難泝宋元虛海賦崩雲泄雨滋滋汨汨

波浪飛灑似雲之崩五湖見贈雪航天風見彈琴歌

岑參詩北風吹斷天山草蘇詩環觀海嶽城史記武

帝紀作建章宮度爲千門萬戶馮夷見二十五日詩洛

神賦馮夷擊鼓史記滑稽傳六博投壺相引爲曹神

異經東荒山中有大石室東王公居焉恒與一玉女投

壺張見蹟詩已見玉女笑投壺復睹仙童欣六博漢

書宣帝紀註蒲類句奴中海名在燉煌北李頎詩故園

寒草荒按徒帳謂逐水草移徙也漢武內傳諸仙玉

女聚居滄溟薛元卿詩月冷疑秋夜李詩沉泉笑探珠

張如哉曰用李義山滄海月明珠有淚漢書西域傳

贊極漫衍魚龍角抵之戲注漫行者卽張衡西京賦所

云巨獸百尋是爲漫延者也魚龍者舍羅之獸先戲于

庭極卑乃入殿前激水化成比目魚跳躍激水作霧障

日昇化成黃龍入丈出水散戲於庭炫耀日光西京賦
云海鱗變而成龍卽爲此色也淮南子遊於江溥海
裔馳要褻建翠蓋杜詩金支
翠旗光有無具區見退谷歌

別丁飛濤兄弟

國朝詩別裁集丁澎字飛濤浙江仁和人順治乙未進士官禮部

郎中有扶荔堂集林熙菴丁葑園外傳詩賦古文辭名播江左其後仲弟景鴻季弟濬皆以詩

名世目之
曰三丁

把君詩卷過扁舟置酒離亭感舊游三陸雲間空想像

二丁鄴下自風流湖山意氣歸詞苑兄弟文章入選樓

爲道故人相送遠藕花蕭瑟野塘秋

起結寫別字中四切飛濤兄弟○白

詩把君詩卷燈前讀
虎邱圖 三陸見贈吳錦雯雲間見哭志衍想像見西

陳伯玉詩秋日隱離亭舊游見

吳詩集覽

卷十一 下

九

田詩 魏志陳思王植傳注丁儀字正禮沛郡人也與字敬禮儀之弟也元裕之詩鄴下風流在晉多 意氣

見蕩子行詞苑見呈李太虛

一統志文選樓在揚州府治東南相傳梁昭明太子撰文選于此 張文昌詩

秋風白藕花百詩
野塘水邊崎岸側

贈馮子淵總戎

江南通志鎮守江南江北狼山總兵官馮武卿浙江人順治八年任

參詩登壇近總戎

令公專闡擁旌旄鵬鶚秋風賜錦袍十二銀箏歌芍藥

三千練甲醉葡萄若耶溪劍疑寒水秦望樓船壓怒濤

自是相門雙戟重野王父子行能高

投贈之什後半篇意更周匝○令公

見西田賞菊史記馮唐傳闡以外者將軍制之擁旌見送杜嶷武註 杜詩鵬鶚在秋天王少伯詩簾外春寒

賜錦袍傅休奕等賦絃柱十二擬十二月銀箏見書蘭曲詩惟士與女伊其相謔贈之以勺藥三千練甲

見再觀打水漢書西域傳大宛左右以葡萄為酒若耶溪劍見行路難越絕書欲知泰阿觀其鈺巍巍翼翼

如流水之波一統志秦望山在紹興府會稽縣東南秦始皇登之以望南海樓船見臨頓兒孟貫詩江上秋

風捲怒濤史記孟嘗君傳相門有相將門有將唐書襄城公主傳門列雙戟而已漢書馮奉世傳字子明

上黨潞人也長子譚譚弟野王野王字君卿上使尚書選第中二千石而野王行能第一又杜欽素高野王父

子行能

按明史辛輔表天啓間馮氏入相者止銓一人而元鷗傳故與馮銓通譜誼元鷗慈溪人相門雙戟子淵

蓋其子姓歟俟考

丁亥之秋王烟客招予西田賞菊踰月蒼雪師亦

吳詩集覽 卷十一 下

十

至今年予既卧病同遊者多以事阻追叙舊約為

之慨然因賦此詩丁亥順治四年孟詩北窓猶臥病

露白霜高九月天匡牀卧疾憶西田黃雞紫蟹堪攜酒

紅樹青山好放船秔稻將登農父喜茱萸徧插故人憐

舊游多病難重省記別蒼公又二年從今年起以丁亥結便覺通首俱是

追叙舊約也紅樹句可作摘句圖○詩白露為霜醉翁亭記風霜高潔匡牀見贈願雲師季詩黃雞啄黍

秋正肥羅昭諫詩盈盤紫蠲千厄酒許仲晦詩紅葉青山水急流放船見鴛湖曲秔稻見閬園詩王詩

徧插茱萸少一人舊游見虎邱夜集圖杜詩多病也身輕

友人齋說餅

槃悅厄談友人齋說餅之為張氏園說餅見九峯草堂歌注

舍北溪南樹影斜主人留客醉黃花水漫非川洵槐葉
蜜餌寧關煮蔗芽閣老膏環常對酒徵君寒具好烹茶

食經二事皆堪註休說公羊賣餅家從友人齋起餘皆說餅○杜詩舍南

舍北皆春水又白馬江寒樹影稀李詩但使主人能

醉客黃花見東臯歌詩釋之叟叟釋文叟叟淘米聲

也唐六典太官令掌供膳之事夏月加冷淘粉粥杜有

槐葉冷淘詩楚辭糗糒蜜餌有餽餽些注糗糒以蜜

和米麪煎作之陸務觀詩山童新採蕨芽肥唐書楊

綰傳中書舍人年久者為閣老國史補宰相呼為堂

老兩省相呼為閣老齊民要術膏環一名糗糒屈令兩

頭相就膏油煮之徵君見九峯草堂歌續晉陽秋折

元好畜書畫客至嘗出而觀之客食寒具油污其畫後

遂不復設寒具集韻寒具環餅也宣和畫譜周昉寓意

丹青有烹茶圖食經見蛤蜊周禮內宰使各有屬以

作二事此借用三國志裴潛傳注鍾繇不好公羊而

吳詩集覽 卷十一 下

十一

好左氏謂左氏為太官而謂公羊為賣餅家

良齋雜說陳眉公每事好製新樣人輒效法猶宋人

之號東坡巾也其所坐椅曰眉公椅所製衣曰眉公

布所說餅曰眉公餅按徵君句應指眉公不知閣老

為誰耳阮紫坪曰近姑蘇市中有製餅者名太師餅

又名瑤泉餅相傳申瑤泉相公最嗜此物因以得名

詩中第五句疑指此程迺亭曰此詩成於張石公園

中石公大司空張輔之孫園即學山園也今太倉市

有太師餅眉公膏相傳出自王荆石陳仲醇家見鐘

洋縣志

贈李峩居御史

原註督學江南程迺亭曰李嵩陽字元珮號峩居壬夏口錄嵩陽

河南封邱人庚午舉人

順治六年督學江南

中條山色絳帷開宛雜春風桃李栽地近石經綠虎觀

家傳漆簡本蘭臺花飛驛路生徒滿潮落江城鐘磬來

置酒一帆黃浦月登臨早訪陸機才起二句似峩居曾司鐸于晉豫間者

侯考三句峩居故里四句御史後半首督學江南也○

一統志中條山在解州南山狹而長西華嶽東太行此

山居中故曰中條絳惟見贈馮訥生注

古詩游戲宛與維事文類聚狄仁傑嘗薦姚崇桓彥範敬暉數人率

為名臣或謂仁傑曰天下桃李盡在公門

石經虎觀見送子傲青瑤

漆簡見遣悶漆經注蘭臺見送龔孝

升 杜詩岸花飛送客 柳子厚詩驛路看花處處新生

徒見壽王鑑明 湖落見贈吳錦雯 李詩江城含變態

鐘磬見贈願雲師 一帆見塗松晚發明統志黃浦在

松江府城東南一十八里 登臨見送志行入蜀陸機

見茸 城行

穆大苑先卧病桐廬初歸喜贈

按梅村贈穆苑先詩兵火桐江遇故

吳詩集覽 卷十一 下

三

人釣臺長嘯凌于尺指正在桐廬時又云失脚

倒墮烏犍牛偶來帝鄉折左臂則指桐廬言歸

又往確山之時非此時之卧病也 又送穆苑先

南還四首是梅村赴 召後在京而送之

者此詩編在過淮諸首以前則

在梅村未赴 召之先矣

富春山下起歸風客病孤舟夜雨中千里故園惟舊友
十年同學半衰翁藥爐媿我形容槁腹尺輸君飲噉工
却向清秋共消損一尊無恙笑顏紅

首句自桐廬歸次

四交誼後半寫出喜字○富春見讀西臺記王詩漾舟

信歸風 杜詩老病有孤舟 許仲晦詩舊友北來頻

梅村苑先墓誌就苑先齋中讀書同時遊處者四人

哀翁見贈杜退之 張文昌詩掃書書室試藥鑪瑟辭

形容枯槁 三國志荀彧傳註福衡見荀有腹尺因答

曰文若可借面弔喪稚長可使監厨請客其意以為荀

但有貌趙健啖肉也采書始安王休仁傳休仁第飲噉極日清秋見贈家侍御字建請招降江東表銷損天日無益聖朝沈休文詩勿言一尊酒無恙見下相懷古季詩一食駐元髮再食留紅顏

壽陸孟鳧七十

原註陸為潯州司李藤峽在潯州常熟有桃源澗蘇州府志陸銑

字孟鳧常熟人崇禎四年歲貢生養利州知州一統志潯州府在廣西布政司西南九百五十里大藤峽在潯州府桂平縣西北六十里蘇州府志虞山普仁禪院東有天潭谷下為桃源澗

楓葉蘆花霜滿林江湖蕭瑟鬢毛侵書生藤峽功名薄

漁父桃源歲月深入市蹇驢晨賣藥閉門殘酒夜橫琴

舊游烽火天涯夢銅鼓山高急暮砧

首句紀時次句暗寫壽字而江湖蕭

瑟引起下文三句遊宦之地四句歸隱之所薄字深字即蕭瑟意五六俱就歸隱說七八回映遊宦也○白詩

吳詩集覽

卷十一 下

三

楓葉蘆花秋瑟瑟霜林見送孫令修

杜詩更憶鬢毛斑書生見壽龔芝麓明史韓雍傳雍曰當全師直搗

大藤峽峽有大藤如虹橫亘兩厓間雍斧斷之改名斷藤峽勒石紀功而還按此句暗用之陸士衡詩但恨功名薄漁父莊子篇名淵明有桃花源記此借用陸樹

聲字與吉詩家住烟蘿日月深蹇驢見雪中遇獵神

仙傳壺公者入市賣藥口不二價陸士衡詩甕餘殘酒膝有橫琴舊游見虎邱夜集圖烽火見閬州行天

涯見送何省齋一統志引寰宇記象州有銅鼓山下有銅鼓灘方輿勝覽在武仙縣西十里武仙故城在今

潯州府武宣縣東又銅鼓嶺在潯州府貴縣南五十里杜詩白帝城高急暮砧

其二

講授山泉遶戶庭芋翁無事為中冷偶支鶴俸分魚俸

閒點茶經補水經千里程鄉浮大白一官勾漏養空青

歸來松菊荒涼甚買得雙峰縛草亭

太白空青對偶清
新○漢書夏侯勝

傳勝每講授易山下出泉蒙又不出戶庭无咎唐書
陸羽傳隱茗溪自稱桑苧翁群芳譜引歐陽永叔曰世

傳陸羽茶經其論水曰山水上江水次井水下至張又
新為煎茶水記始云劉伯芻以揚子江為第一至貽上
古夫于亭雜錄唐劉伯芻品水以中泠為第一惠山虎
邱次之按此是芻翁未嘗切指中泠也統志中泠泉

在鎮江府丹徒縣西北金山下大江至金山分為三瀟
亦曰三泠此居其中墨莊漫錄皮日休新秋卽事詩
云酒坊吏到常先見鶴俸符來每探支鶴俸之說曾丈

彥和有西齋自遣詩云壺羹一囊供鶴料注云唐幕府
官俸謂之鶴料彥和用事必有所據茶經見西田詩
陸羽水經見廿五日詩注千里程鄉見闕園序浮白

見哭志衍一官見哭志衍勾漏見壽龔芝麓本草空
青生益州山谷及越雋山有銅處銅精薰則生空青其
腹中空能化銅錢鉛錫作金松菊見九峯歌北山移

文石逕荒涼徒延竹庚詩熊耳對雙峯草亭見送沈

友

吳詩集覽

卷十一

十四

壽申少司農青門六十

明史申時行傳中極殿大
學士孫紹芳進士戶部左

侍郎蘇州府志紹芳字維烈通考司農官
名秦曰治粟內史漢景帝更名大司農

相門三戟勝通侯兄弟衣冠盡貴游白下高名推謝朓

黃初耆德重楊彪千山極目風塵暗一老狂歌天地秋

還憶淮淝開制府江聲吹角古揚州

櫟括青門一生三
四更爲工妙○磨

書崔琳傳世號三戟崔家通侯見楚兩生序貴游見
贈陸生梅村申少觀壽序余初筮任得交于鄉先達申

大司馬及其弟大叅大叅有九子青門是長兄官比部
其季弟曰進士維久六朝事迹白下本江乘之白下

壘唐武德元年罷金陵縣築城於此因其舊名曰白下
一統志白下故城在上元縣北南史謝朓傳字元暉少

好學有美名，陳郡陽夏人。魏書黃初二年公卿朝朔旦并引故漢太尉楊彪待以客禮書遠耆德 千山見贈願雲師極目見蕩子行風塵見哭志行詩不愆遺一老狂歌見鐵崖墓 水經淮水東過壽春縣北肥水從縣東北流注之 一統志壽春故城今鳳陽府壽州治字典肥本作肥 明史職官志總督漕運兼提督軍務巡撫鳳陽等處兼管河道一員景泰二年因兼巡撫淮陽盧鳳西府徐和滁三州治淮安 按明職官志總督初稱提督軍務嘉靖七年改爲總制十九年避制字改爲總督制府之稱蓋由此與 江聲見送苑先吹角見松山哀揚州見閩州行中少觀壽序青門早達游歷名藩開府揚州垂紳揭節兄弟中至光顯矣

其二

脫却朝衫上釣船，餘生投老白雲邊。買山向乞分司俸，餉客還存博士錢。世事烟霞娛晚歲，黨人名字付殘編。

吳詩集覽

卷十一 下

五

扁舟百斛烏程酒，散髮江湖任醉眠。

此首點入壽字如鴻爪點雪○脫朝

衫見壽龔芝麓

餘生見送周子叔投老見西田詩

買山見東萊行 白詩莫求致仕具分司 玉篇餉饋也

按博士錢用退之進學解三年博士及月費俸錢句

王詩世事浮雲何足問烟霞見讀西臺記晚歲見贈吳雪航 後漢書黨錮傳論黨人之議由此始矣殘編見送何省齋 李長吉詩鱸魚千頭酒百斛烏程酒見聞園序 後漢書袁閎傳遂散髮

絕世晉書阮籍傳方據案醉眠

宴孫孝若山樓賦贈 孝若見吾谷行注

千章喬木俯晴川，高閣登臨雨後天。明月笙歌紅燭院，

春山書畫綠楊船。邴超好客真名士，蘇晉翻經正少年。

最是風流揮玉麈，烟霞勝處着神仙。起結切定山樓三

四宴時之景後半

贊美孝若而宴字自在其中○千章見海戶曲張子壽
詩烟靄連晴川岑參詩高閣逼諸天登臨近日邊王
詩空山新雨後百詩笙歌歸院宇柳子厚詩席上燒
紅燭春山見題河渚圖書畫船見九友歌注綠楊見
避亂晉書郗超傳字景興一字嘉賓凡所交友皆一
時美秀寒門後進亦拔而友之史記孟嘗君傳馮驩聞
孟嘗君好客名士見維夏北行杜飲中八仙歌蘇晉
長齋繡佛前醉中往往愛逃禪宗之瀟酒美少年翻經
見代具師答揮塵見後東臯歌注晉書
王恭傳孟昶窺見之嘆曰此真神仙中人也

琴河感舊

并序

楓林霜信放棹琴河忽聞秦淮卞生賽賽到白

白下適逢紅葉余因客座偶話舊游主人命續

車以迎來持羽觴而待至停驂初報傳語更衣

吳詩集覽

卷十一 下

六

已託病疴遷延不出知其憔悴自傷亦將委身

於人矣

一統志琴川在蘇州府昭文縣治縣治前後橫港凡七若琴絃然昭文與常熟

同城感舊見遇南庖園叟玉京傳有傳其復東下者主于海虞一故人生偶過焉尚書某公者

張具請爲生必致之衆客皆停杯不御已報曰至矣有頃迴車入內宅屢呼之終不肯出生悒

怏自失始不能爲情歸賦四詩以告絕王少伯詩孤舟微月對楓林霜信見宿破山寺

叔夜詩放櫂投竿秦淮見玉京墓續本事詩袁宏道中郎有傷周生詩自注吳人呼妓爲生

白下見壽中青門杜牧之詩霜葉紅於二月花按此句兼用太平廣記方知紅葉是良媒

魏志王粲傳賓客盈座舊游見虎邱圖續車見彈琴歌漢書班婕妤好傳酌飛羽觴兮飲

憂停驂見送友聖更記外戚世家是日武帝起更衣子夫侍尚衣軒中得幸左傳昭二

十年齊侯亦遂疴玉篇疴瘧疾也 神女賦遷延引身不可親附 百琵琶行序委身為商人

婦 予本恨人傷心往事江頭燕子舊壘都非山

上蘼蕪故人安在久絕鉛華之夢况當播落之

辰相遇則唯看楊柳我亦何堪為別已屢見櫻

桃君還未嫁聽琵琶而不響隔團扇以猶憐能

無杜秋之感江州之泣也漫賦四章以誌其事

恨賦於是僕本恨人 往事見野望 李嘉祐詩江燕初歸不見人舊壘見白燕吟 蘼蕪鉛

華並見玉京墓 搖落見讚佛詩 枯樹賦桓大司馬聞而嘆曰昔年移柳依依漢南今看搖

落悽愴江潭樹猶如此人何以堪 季詩別來幾春未還家玉窻五見櫻桃花 羅昭諫贈雲

吳詩集覽 卷十一 下

英詩我未成名君未嫁可能俱是不如人 白詩我聞琵琶已嘆息 晉書樂志團扇歌者中

書令王珉與婢有情婢素善歌而珉好捉白團扇故制此歌 杜秋見老妓行 白琵琶行

就中泣下誰最多 江州司馬青衫濕

白門楊柳好藏鴉誰道扁舟蕩槳斜金屋雲深吾谷樹

玉杯春暖尚湖花見來學避低團扇近處疑嗔響鈿車

却悔石城吹笛夜青驄容易別盧家 此首是因客座話舊遊也吾谷尚湖

暗寫主人其為孝若兄弟與詩格亦仿義山張如哉曰五六是犢車迎來羽觴待至也學避疑嗔已逗不出意

○舌樂府暫出白門前楊柳可藏烏 陸魯望詩本是吳吟蕩樂郎 漢武故事帝笑曰若得阿嬌當以金屋

貯之吾谷見吾谷行 謝元暉詩渠碗送佳人玉杯邀上客謝靈運詩含悲忘春暖一統志尚湖在常熟縣西

南四里 團扇見序 鈿車石城見西泠聞咏吹笛見
調周子傲 石樂府郎騎青驄馬東方曼倩非有先生
論談何容易南畿志莫愁湖在三
山門外有妓盧莫愁家湖上故名

其二

油壁迎來是舊游尊前不出背花愁緣知薄倖逢應恨
恰便多情喚却羞故向閑人偷玉筯浪傳好語到銀鈎

五陵年少催歸去隔斷紅墻十二樓

此首是命犢車以
迎來遷延不出也

中四句曲折濃至○油壁見玉京墓

尊前見老妓行

杜牧之詩贏得青樓薄倖名

又多情恰似總無情

張如哉曰喚字本白詩千呼萬喚却羞本會豈詩為郎

憔悴却羞郎玉筯見永和宮詞

杜詩將詩莫浪傳

薛元卿詩布字改銀鈎

百詩五陵年少爭纏頭韓詩

催歸日未西

李義山詩本來銀漢是紅墻隔得盧家

吳詩集覽

卷十一

下

六

白玉堂漢書郊祀志方士有言黃
帝時爲五城十二樓以候神人

張如哉曰唐女道士李冶詩莫怪闌干垂玉箸只因
惆悵對銀鈎玉箸謂淚銀鈎謂書故向閒人偷玉箸

卽序中之已托病牯浪傳好語
到銀鈎卽序中之傳語更衣也

其三

休將消息恨層城猶有羅敷未嫁情車過捲簾勞悵望

夢來攜袖費逢迎青山憔悴卿憐我

張如哉曰山應作衫

紅粉飄

零我憶卿記得橫塘秋夜好玉釵恩重是前生

此首是江頭燕

子舊壘都非山上蘼蕪故人安在也逼直義山手筆○

李義山詩傾城消息隔重簾楚辭增城九重其高幾里

注增同層季後主詩層城無復見嬌姿 石樂府羅敷

自有夫張文昌節婦吟君知妾有夫又恨不相逢未嫁

時本事詩韓翃少負才名天寶末舉進士隣有李將
妓柳氏李每邀韓同飲酒酣謂韓曰秀才當今名士柳
氏當今名色以名色配名士不亦可乎卒授之淄青節
度侯希逸奏為從事以世方擾不敢以柳自隨置之都
下後翃隨希逸入朝尋訪不得已為立功番將沙吒利
所劫寵之專房翃悵然不能割會入中書至于城東南
角逢犢車緩隨之車中問曰得非青州韓員外邪曰是
遂披簾曰某柳氏也失身沙吒利無從自脫明日尚此
路還願更一來取別明日如期而往犢車尋至車中投
一紅中苞小合則實以香膏鳴咽言曰終身永訣車如
電逝韓不勝情為之雪涕有虞侯將許俊年少被酒乃
急裝乘一馬牽一馬而馳逕趨沙吒利之第會吒利已
出卽以入口將軍墜馬且不救遣取柳夫人柳驚出卽
以韓扎示之挾上馬絕馳而去以柳氏授韓曰幸不辱
命謝元暉詩停驂君悵望李詩且留琥珀枕或有夢
來時攜袖未詳似用霍小玉事耳詳七言絕句夢鞋逢
迎見揖山樓李義山詩看山對酒君思我聽鼓離城
我訪君王介甫詩青衫憔悴北歸來小青詩卿須憐我

吳詩集覽

卷十一 下

九

我憐卿紅粉見贈李雲田飄零見遇劉雲航橫塘
見圓圓曲李重規詩百有橫陳會應憐秋夜長司馬

長卿美人賦玉釵挂臣冠
智大師偈欲知前世因

其四

長向東風問畫蘭玉人微嘆倚闌干乍拋錦瑟描難就

小疊瓊牋墨未乾弱葉懶舒添午倦嫩芽嬌染怯春寒

書成粉箴憑誰寄多恐蕭郎不忍看玩此詩蓋玉京遷
延不出因梅村索

其書蘭而以畫扇見寄也中四句形容曲盡情思入妙
○玉京傳道人畫蘭好作風枝婀娜一落筆盡十餘紙

玉人見永和宮詞倚闌干見西泠閣詠李義山詩
錦瑟無端五十絃韓致光詩小疊紅箋書恨字修眞

錄族雪道君有顯色天膏封以軟玉油箋劉夢得詩新
賜除書墨未乾謝偃高松賦紛弱葉以凝照陸務觀

詩午倦便高枕周美成詠茶詩荷葉颺深稱嫩芽錢
端文詩芳心猶卷怯春寒揚子方言白闕而東謂之
菱白闕而西謂之扇全唐詩話崔郊有婢既貧鬻於
蓮帥郊思慕無已其婢因寒食來從事家值郊立於柳
陰崔贈之以詩曰侯門一入深如海從此
蕭郎是路人張正言詩多恐君王不忍看

辛卯元旦試筆

原註除夕再夢杏花
按辛卯順治八年

十年車馬盛長安仙仗傳籌曙色寒禁苑名花開萬樹

上林奇果賜千官春風紫燕低飛入曉日青驄緩轡看

舊事已非還入夢畫圖金粉碧闌干

此與與友人譚遺
事一首相似十年

舊事起結點晴莫認作熱中一流○岑參詩玉階仙仗
擁千官王詩絳幘雞人報曉籌李長吉詩飛窻複道傳
籌飲皇甫孝常詩曙色漸分雙闕下
禁苑見退谷歌
名花見咏山茶花
上林見海戶曲後漢書桓榮傳詔

吳詩集覽

卷十一

三

賜奇果受者皆懷之榮獨舉手捧之以拜王詩芙蓉闕
下會千官顧逋翁詩紫燕西飛欲寄書
曉日見謁
張石平青驄見哭志衍唐書崔湜傳緩轡諷詩百詩
舊事思量在眼前薛陶臣詩絳節幾時還入夢
金粉
見送沈
釋堂

陳臥子詩禁苑起山名萬壽複宮
新戲號千秋三四清麗堪與爲偶

雜感

聞說朝廷罷上都中原民困尚難蘇雪深六月天圍塞

雨漲千村地入湖瀚海波濤飛戰艦禁城官闕起浮圖

關山到處愁征調願賜三軍所過租

雜感六首多咏時事此首述民困也

三四天災五六人事結句祝願之意○元史世祖紀中
統四年升開平府爲上都宣鎮舊志元上都城在鎮城

東北七百里凡省院官署七十餘俱至元中所建明初
俱廢按此則上都之罷已久與首句聞說字不合一統
志宣化府元初爲宣寧府中統四年改宣德府屬上都
路而宣化縣志順治八年裁宣府巡撫併于宣大總督
兼理詩蓋以裁宣府巡撫爲罷上都非專指開平也時
梅村尚在江南故云聞說耳〔歐陽永叔詩〕六月雪飛灑石在〔謝元
盡書〕後來其蘇〔馬虞臣詩〕洪河雨漲出關遲千村
暉詩〔天圍靜且閑〕見閬州行宣化縣志順治八年宣府大雨雹〔更記句
奴傳驃騎封於狼居胥山禪姑行臨翰海而還〔注〕翰與
瀚同〔杜詩〕波濤萬頃堆琉璃戰艦見茸城行〔顏延年
詩朝駕守禁城〔劉越石詩〕顧瞻望宮闕浮圖見贈蒼雪
關山見琵琶行後漢書杜詩傳舊制發兵皆以虎符
其餘征調竹使而已〔漢書文帝紀〕其除田之租稅

其二

簫鼓中流進奉船司空停索導行錢八蠶名繭盤花就

吳詩集覽

卷十一 下

廿

千繙奇文舞鳳旋袴褶射雕砂磧塞筐箱市馬玉門邊

秋風砧杵催刀尺江左無衣已七年

此首憂杼軸也三四寫製作之奇五

六見運用之廣結句點睛○漢武帝秋風辭汎樓船兮
濟汾河橫中流兮揚素波簫鼓鳴兮發棹歌〔舊唐書〕張
萬福傳德宗召萬福馳至渦口立馬岸上發進奉船
司空見東萊行導行錢見馬草行〔吳都賦〕鄉貢八蠶
之繅〔注〕一歲入蠶繭出口南也唐太宗詩盤花卷燭紅
千繙奇文見織婦詞季巨山詩叢臺舞鳳驚袴褶
見琵琶行射雕見雪中遇獵砂磧見送杜崱武筐箱
見遇南廂圍叟五代史四夷錄明宗時沿邊置場市馬
諸夷皆入市中國玉門見行路難〔古〕子夜秋歌佳人
理寒服萬結砧杵勞〔杜詩〕寒衣處處催刀尺江左見
送周子佩張青

瑠詩無衣無褐

此詩卽七古內

織婦詞之意

居庸千尺薊門低八部雲屯散馬蹄日表土中通極北

河源天上接安西金城將吏耕黃犢玉壘山川祭碧雞

世會適逢須粉飾十年辛苦厭征輦

此首紀遠略也起結皆偃武之意中

四句測日窮河屯田祠祀想見規模之遠○後漢書光武紀注上谷郡居庸縣有關一統志居庸關在昌平州西北去延慶州五十里干道志居庸關亦名薊門關

後漢書南匈奴傳建武二十四年春八部大人共議立此為呼韓邪單子以其大父嘗依漢得安故欲襲其號

於是歛五原塞願永為蕃蔽袁江南賦冀馬雲屯馬蹄見行路難

後漢書律歷志以此日表以管萬事書召詔王來紹上帝自服于土中蔡邕洛邑天地之中故謂

之土中周禮以土圭之法測土深正日影以求地中鄭注土圭之長尺有五寸以夏至之日立八尺之表其景

吳詩集覽 卷十一 下

三

適與土圭等謂之地中晉書天文志天形南高而北下

日出高故見日入下故不見天之居如倚蓋故極在人北是其證也極在天之中而今在人北所以知天之形

如倚蓋也漢書張騫傳漢使窮河源李詩黃河之水天上來舊唐書安西都護府貞觀末置於西州顯慶二

年移府理高昌故地三年又徙治龜茲國金城見贈吳雪航將吏見翠峯寺遇友黃犢見西田詩玉壘見

燕窩碧雞見洗象圖文中子謂仲長子光曰山林可居乎曰會逢其適也焉知其可莊子為丹青則藻繪玉

猷粉飾治具 辛苦見遇劉雪舫杜詩不意書生耳臨

鼓輦 哀輦

其四

急峽天風捲怒濤穿雲棧石度秋毫雞豚絕壁人烟少

珠玉空江鬼哭高縱火千村驅草木齎糧百日棄弓刀

綿州却報傳烽紫峒戶溪丁轉戰勞

此首單指征蜀之事○杜詩高江急

峽雷霆闕天風見彈琴歌怒濤見贈馮子淵雲棧見

行路難杜詩碣石小秋毫隋書豆盧勣傳其由絕壁

千尋李詩不與秦塞通人烟按潼川府中江縣有觀

江一名玉江又蓬溪縣有珠玉溪然詩意只泛言耳觀

上句可見陸魯望詩空江波浪黑鬼哭見閬州行漢

書李陵傳鹵從上風縱火千村見閬州行晉書苻堅載

記北望八公山草木皆類人形史記吳起傳親裹齋

糧與士卒同甘苦弓刀見避亂一統志綿州在四川

布政司東北七十里虞伯玉詩稱使不傳烽詩仲晦

詩峒丁多斲石杜詩水散巴渝下五溪轉戰見讀史雜

四詩其

一統志順治八年吳三桂握重兵屯保寧久無功四

川巡撫郝浴劾其縱兵剽掠包藏異志未幾東西川

俱陷三桂棄保寧退走綿州浴聞警一晝夜七馳檄

邀三桂還賊薄保寧勢張甚浴以忠義激發將士與

吳詩集覽

卷十一 下

三

賊戰遂大破之即密陳三桂跋扈狀此詩前四句言
川被寇禍而三桂無功五六寫三桂驕懦之狀第七
句刺其棄保寧而掠綿州第八句以轉戰之勞歸之
峒戶溪丁正是為三桂作斧鉞之筆也汪鈍菴郝
公墓誌順治中吳三桂等入川奉詔統東西兩路
兵駐劄川南以圖進取定州郝公以御史巡按川中
三桂方挾王爵驕橫口甚而部下尤番殺不法三桂
街公既而東西兩路兵俱為賊所敗三桂等遁至綿
州公適監省試于保寧賊劉文秀前鋒且抵城下保
寧士民洵懼因遣使飛檄走邀三桂等赴揀責以大
義謂不死于賊必死于法三桂等不得已始自綿州
至按此詩末二句正刺其在綿州淫掠之事見其肆
毒于溪峒也當與
卽事第十首參看

其五

武安席上見雙鬢血淚青娥陷賊還只為君親來故國

不因女子下雄關取兵遼海哥舒翰得婦江南謝阿蠻

快馬健兒無限恨天教紅粉定燕山此首亦咏吳逆詳圖曲三四句若

為吳逆分辨者正是斧鉞之筆也末句斷定即全家白骨成灰土一代紅粧照汗青之意○武安見老妓行白詩窈窕雙鬟女血淚見閬州行青娥見老妓行雄

關見松山哀遼海見咏山茶序唐書哥舒翰傳其先蓋突騎施酋長哥舒部之裔祿山反守潼關一統志范

文程字憲斗漢軍鑲黃旗人順治元年大軍將征明文程請嚴紀律秋毫無犯會吳三桂乞帥召文程於湯泉

决策乘勢進兵天章外傳新豐有女伶謝阿蠻善舞凌波曲舊出入宮禁貴妃厚焉後上自成都還復幸華

清官從官嬪御多非舊人上命阿蠻舞凌波曲舞罷上妻然垂涕叙小志河間王侍兒朝雲善吹篴諸羌叛

王令朝雲假為老嫗吹篴羌皆流涕復降語曰快馬健兒不如老嫗吹篴舌詩健兒須快馬紅粉見贈李雲

田唐書薛仁貴傳將軍三箭定天山燕山見送龔孝升

吳詩集覽卷十一下按圖圓明史作陳沉又哥舒無取兵遼海事謂阿蠻

出自新豐非江南也蓋取兵遼海乃三桂之實事而哥舒本降將軍故以為比初嘉定伯周奎納圓圓於椒庭侍周后側莊烈問所從來后對以茲女吳人且善崑伎莊烈念國事不甚顧命遣還仍入周邸而三桂得以為婦故以阿蠻之女伶善舞出入宮禁為比耳潘皆山曰鈕玉樵觚賸載圓圓事甚悉以為吳

門名妓周嘉定伯營葬歸蘇以重貴購得之載而北納于椒庭旋遣還仍歸周邸後乃獻之吳三桂陸雲士圓圓傳則以為玉峯歌妓三桂慕其名聘以千金已先為田畹所得繼乃贈吳毛西河後鑿錄云三桂與戚畹田宏遇游觀所買金陵娼陳沅者而悅之請聘以千金不許宏遇死始以千金買他姬易之諸說小異此詩謂武安席上見雙鬟則吳逆真于田畹席中見之矣第一以為吳門人一以為金陵人未知孰是

萬里從王擁節旄通侯青史姓名高禁垣遺直看封事

絕徼孤忠誓佩刀元祐黨碑藏北寺辟疆山墅記東皇

歸來畊石堂前夢書畫平生結聚勞此首咏瞿式耜詳東臯草堂歌前

半首括式耜全傳後半首記其軼事萬里歸來起結相應○邱希範與陳伯之書擁旄萬里何其壯也易或從

王事无成有終黃魯直詩西河擁節旄通侯見楚兩生序青史見遣問舊唐書權德輿傳直禁垣數旬始

歸左傳昭十四年叔向古之遺直也封事見贈吳雪航

明史瞿式耜傳崇禎元年擢戶科給事中顏師古漢書注徼猶塞也東北謂之塞西南謂之徼韓詩休垂絕

徼千行淚孤忠見登數峯閣漢書蘇建傳武引佩刀白

刺明史瞿式耜傳順治三年九月大兵破汀州式耜與丁魁楚等議立由榔以十月十日監國肇慶進式

耜吏部右侍郎東閣大學士進文淵閣大學士兼兵部尚書桂林獲全封臨桂伯馬純陶朱新錄元祐姦黨

吳詩集覽

卷十一 下

五

文臣曾任執政官二十七人司馬光等曾任符制官四

十九人蘇軾等餘官一百七十七人秦觀等為臣不忠

曾仕宰臣二人王珪章惇胡翰書柳州元祐黨籍碑後

宋蔡京立元祐黨籍碑於端禮門外以星變毀其後黨

人子孫更以為榮重摹刻之北寺見後東臯歌世說

王子敬自會稽經吳聞顧辟疆有名園徑往其家韋端已詩謝公山有墅楚辭魂兮

歸來耕石書畫見後東臯歌注

題王端士北歸草

梅村太倉十子詩序以王揆端士為第二感舊集補傳端士號

芝廬順治乙未進士有壬辰北歸居楓橋別業詩

讀罷新詩萬感興夜深挑盡草堂燈玉河嗚咽聞嘶馬
金殿凄涼見按鷹南內舊人逢庾信北朝文士識崔陵
蹇驢風雪蘆溝道一慟昭陵恨未能通首從北歸着筆三四耳聞目見自

當有好詩作出也五六比擬結句就未歸時言之波瀾更遠○新詩見楚兩生行謝靈運詩萬感盈朝昏杜詩夜深殿哭兀挑燈見後東臯歌 玉河見洗象行嗚咽見琵琶行韓致光詩外使進鷹初得按中官過馬不教嘶江總持詩流泉灌金殿 南內見永和宮詞書亦惟圖任舊人共政 權載之祭李祭酒文光耀北朝唐書藝文志張鷟文士傳五十卷北齊書崔陵字長孺清河東武城人也歷覽羣書兼有詞藻劉夢得詩北朝文士重徐陵 蹇驢見雪中遇獵蘆溝見鐵獅歌

贈糧儲道步公

原註乾州人 糧儲道見謁張石平陝西通志步文政乾州人副使崇禎十六年進士一統志乾州在陝西布政司西北一百六十里

臨湘家世擁旌旄策馬西來劍珮高華嶽風雲開間氣

乾陵草木壯神臯山公盡職封章切蕭相憂時饋運勞

吳詩集覽

卷十一 下

吳

青史通侯餘事在江南重見舊人豪

從步字起西來字開下二句華嶽乾

陵切乾州正是西來也五句疑由吏部外轉者六句切糧儲道餘事重見回應起處○吳志步騭傳字子山臨淮淮陰人也赤烏九年代陸遜爲丞相黃武二年封臨湘侯擁旌旄見送杜嶷武注 鮑詩虛容遺劍佩 一統志太華山在華州華陰縣南卽西嶽也楚辭求閭氣之所由 一統志唐高宗乾陵在乾州西北西京賦實惟地之奧區神臯 山公見鴛湖曲按漢書有露章此用封章當如封事之封 蕭相見退谷歌漢書蕭何傳計戶轉漕給軍唐書鄭珣珣傳珣珣爲河南尹韓全義將兵伐蔡河南主運餽珣珣密儲之賜翟以給官軍百姓不知僦運勞 青史通侯見雜感漢書叙傳著作者前列之餘事 人豪見行路難按二句跟步騭說

七言律詩二之上

題鴛湖閨詠

鴛湖見鴛湖曲 袁子才曰其為黃皆令詠乎夫婿長楊譏其天壤王郎

之恨比左芬謂貌不如耳張如哉曰王貽上有觀黃皆令書扇詩次梅村題鴛湖閨詠原韻知的為黃皆令作也徐電發續本事詩黃皆令名媛介鴛水人歸楊世功以詩文擅名書畫亦佳絕

石州螺黛點新粧小拂烏絲字幾行粉本留香泥蛟蝶

錦囊添線繡鴛鴦秋風擣素描長卷春日鳴箏製短章

吳詩集覽

卷十二上

一

江夏只今標藝苑無雙才子掃眉娘

結句言掃眉之人即無雙才子非平

列也○南都烟花記煬帝宮中爭畫長蛾司宮史日給螺子黛五斛出波斯國陳後主詩新粧艷質本傾城

唐書吐蕃傳有大拂盧小拂盧此借用國史補宋毫間有織成界道絹素謂之烏絲欄粉本見題志衍畫花

蕊夫人宮詞紅錦泥窗遶四廊字典蜀人謂糊窗曰泥窗梁簡文帝詩花留蛟蝶粉按粉本言畫則當如玉仲

初宮詞搦得滕王蛟蝶圖也漢武內傳王母中笈中有一卷書盛以紫錦之囊杜詩刺繡五紋添弱線元裕

之詩鴛鴦繡出從君看班婕妤好擣素賦對秋風而掩鏡王少伯詩樓頭小婦鳴箏坐顏延年詩頌酒雖短

章後漢書黃香傳京師號曰天下無雙江夏黃童韓詩藝苑手秘寶杜牧之詩掃眉才子知多少管領春

風總不如粧臺記漢武帝令宮人掃八字眉

按一統志汾州府永寧州漢置離石縣後周建德六年改曰石州然不產螺黛而山海經波斯西域國去

中國萬里其非永寧州可知李義山詩東南日出照
高樓樓上離人唱石州以石州爲商調亦與此詩不
合或曰義山詩下句云總把春山掃眉黛梅村遂連
用爲石州螺黛與王貽上觀黃皆令書扇詩歸來
堂裏罷愁粧離隱歌成淚數行才調祇因同衛錄風
流底許嫁文鶯蕭蘭宮掖裁新賦香茗飄零失舊章
今日貞元搖落客不將巧語憶秋嬾自注皆令有離
隱詩黃皆令離隱詩序予產自清門歸於素士兄弟
媛貞雅好文墨自勿慕之乙酉逢亂轉徙吳閩羈遲
白下後入金沙閉跡墻東雖衣食取資于翰墨而聲
影未出乎衡門古有朝隱市隱漁隱樵隱予殆以離
索之懷成其肥遯之志焉爰作長歌題曰離隱云

其二

休言金屋貯神仙獨掩羅裙淚泣然栗里縱無歸隱計

鹿門猶有賣文錢女兒浦口堪同任新婦磯頭擬種田

吳詩集覽卷十二上

二

夫婿長楊須執戟不知世有杜樊川

張如哉曰觀離隱詩序固是自分慕

縞者而亦不無非偶之感獨掩羅裙詞微而顯故阮亭

詩有風流底許嫁文鶯句而袁子才亦謂長楊執戟譏

其天壤王郎之恨也○古詩金屋羅神仙會真記且疑

神仙之徒不謂從人間至矣子山蕩子賦紗窗獨掩

羅裙見吾谷行泣然見雕橋莊歌栗里見閨園詩

鹿門見贈蔡羽明杜詩本賣文爲活黃魯直詞新婦

磯頭眉黛愁女兒浦口眼波秋夫婿見青門曲揚子

雲長楊賦序雄從自射熊館還上長楊賦子建與楊德

祖書昔揚子雲先朝執戟之臣張文昌詩良人執

戟明光裏唐書藝文志杜牧樊川集二十卷

張如哉曰杜牧之詩家在城南杜曲旁兩枝仙桂一

時芳禪師都未知名姓始覺空門意味長結句暗用

其三

絳雲樓閣敞空虛女伴相依共索居學士每傳青鳥使
蕭娘同步紫鸞車新詞折柳還應就舊事焚魚總不如

記向馬融譚漢史江南淪落老尙書按此詩所詠多指絳雲樓事柳如是

始末鈕玉樵觚臚紀之甚詳詩中女伴蕭娘蓋卽指如是也絳雲樓以禮部家居故用學士焚魚江南尙書語

耳張如哉曰絳雲是藏書之樓意皆令轉徙吳閶時曾爲尙書邀請留伴柳氏居絳雲樓故云每傳青鳥使

同步紫鸞車也折柳承蕭娘說指柳氏焚魚承學士說

指尙書結句擬皆冷于曹大家并以寄慨也○絳雲樓

見陸天乙畫倉頡篇敞高顯也女伴見彈琴歌索居見半園學士見汲古閣歌史記司馬相如傳亦幸有

三足鳥爲之使注三足鳥青鳥也至爲西王母取食蕭娘出南史臨川王宏傳揚子雲反離騷旣亡鸞車之

幽藹兮焉駕八龍之委蛇許堯佐章臺柳傳柳氏韓翊姬也天寶未盜覆二京柳氏寄跡法靈寺翊遣使問

吳詩集覽 卷十二上

三

行求柳氏以練囊盛麩金而題之曰章臺柳章臺柳昔

日青青今在否縱使長條似舊垂也應攀折他人手南史柳瑛傳瑛前世舊事杜詩碧山學士焚銀魚白馬

却走身巖居張如哉曰後漢書列女傳扶風曹世叔妻者同郡班彪之女也名昭一名姬兄固著漢書其八

表及天文志未及竟而卒帝詔昭就東觀藏書閣踵而成之時漢書始出多未能通者同郡馬融伏于閣下從

昭受讀後又詔融兄續繼昭成之納柳氏在鴛湖舟中則皆令與柳舊爲女伴矣後漢書蔡邕傳繼成漢史

淪落見避亂其五張復之詩淮陽閑殺老尙書離隱之日本自新樣栗里縱無歸隱計若砭其隱字

正是別清離字也故此首云女伴相依共索居索居

上有相依字
共字亦奇

其四

誰吟紈扇繼詞壇白下相逢吳綵鸞才比左芬年更少

瑁求韓重遇應難玉顏屢見鶯花度翠袖須愁烟雨寒

往事只看予薄命致書知已到長干此慰其義命自安之意溫柔敦厚立

言有體○班婕妤有執扇詩杜牧之詩今代風騷將誰

登李杜壇白下見壽申青門一統志唐太和末書生

文簫寓南昌府紫極宮一日遊西山與吳綵鸞相遇因

約與歸簫貧不自給綵鸞寫孫勣唐韻日得一部鸞之

得錢五緡如是十載稍為人知乃往越王山各跨一虎

陟峯巒而去鍾仲偉詩鮑昭嘗答孝武云臣妹才

自亞于左芬臣才不及太冲爾崔顥詩自矜年最少復

依瑁為郎瑁求韓重見青門曲紫玉注玉顏見彈

琴歌鶯花見贈李雲田杜詩天寒翠袖薄烟雨

見鶯湖曲薄命見玉京墓長干見行路難

嘉興李良年字武會黃皆令歸吳楊世功索詩送行

曾因廡下樓吳市忽憶藏書過若耶愁殺鴛鴦湖口

月年年相對是天涯盛名多恐負清閒此去蘭

陵好閉關柳絮滿園香茗拆侍兒添墨寫青山

吳詩集覽 卷十二上 四

補襖 壬辰上巳蔣亭彥篆鴻陸我謀於鴛湖襖飲余

後三日始至同集有道開師朱子容沈孟陽徵

詩以補襖事余分得知字壬辰順治九年後漢書禮儀志是月上已

官民皆絮於東流水曰洗濯祓除去宿垢為大

絮襖飲見畫蘭曲嘉興府志蔣玉立字亭彥

嘉善人拔貢有泰茹堂集拔志稱玉立弟雲翼

字鳴大甲午舉人琢字禹書辛卯副榜有武塘

三蔣之目篆鴻疑其一也嘉興府志陸野字我

謀平湖庠生為當湖七子領袖程迓亭曰道開

名自扁蒼雪弟子嗣法于中峯者圖繪寶鑑僧

自扁號道開結廬于吳門山塘詩字并佳又善

山水得意外之趣明詩綜朱茂調字子蓉秀

水縣學生有鏡雲亭集拔梅村集俱作子容

春風好景定昆池散誕天涯却誤期
濤洄漫舉芳杜晚
雒濱須泛羽觴遲右軍此會仍堪記
白傳重游共阿誰

故事禊堂看賜柳年來無復侍臣知
首句駕湖秋飲次句後三日始至也

晚字遲字承誤字說下五六寔寫補字用事切而運筆
虛結句所感者深○蘇詩一年好景君須記唐書安樂

公主傳嘗請昆明池為私沼帝曰先帝未有以與人者
主不悅自鑿定昆池延袤數里散誕見二十五日詩

詞名有誤佳期鄭風溱洧篇傳鄭國之俗三月上巳
之辰采蘭水上以祓除不祥芳杜見西冷閨詠杜若注

子山哀江南賦王子洛濱之戲續齊諧記三日曲水
始於周公城洛邑因流水以泛酒故逸詩云羽觴隨波

晉書王羲之傳乃以為右軍將軍會稽內史嘗與同
志宴集于會稽山陰之蘭亭和詩明年此會知誰健

樂天詩序開成二年三月三日河南尹李待價禊於洛
濱前一日啟留守裴令公公明日詔太子太傅白居易

吳詩集覽卷十二上
等一十五人合宴于舟中古詩家中有阿誰晉起居

注泰和六年三月三日臨流杯池依東堂小會也西陽
雜俎唐制三月三日賜侍臣細柳圈言

帶之免黃毒唐文宗詩無復侍臣知

過朱買臣墓原注在嘉興東塔雷音閣後即廣福講院
一統志朱買臣墓在嘉興縣

東三里東塔寺後其妻墓在縣北十八里一名
羞墓東塔寺在嘉興縣東三里相傳漢朱買臣

故宅梁天監中建寺蘇州府志朱氏墓碣在吳
縣西穹窿山旁俗傳云買臣之墓非也嘉興府

志引隋唐佳話洛陽平鄉路有漢丞相長史朱
買臣墓今按河南府志作平御路云東封之歲

得買臣墓誌銘而藝
文內亦不載其銘也

翁子窮經自不貧會稽連守拜為真是非難免三長史
富貴徒誇一婦人小吏張湯看踞傲故交莊助嘆沉淪

行年五十功名晚何似空山長負薪

通首皆喚醒翁子語起二句言書中

有粟貴不足異三四言恩怨太明氣量過窄也五六言升沉無定以起結句之意結句言成名不足為榮負薪不足為辱也翁子利達之士故宜以此醒之○漢書朱買臣傳字翁子吳人也家貧好讀書梁武帝詩弱冠窮六經史記郭解傳此其家不貧賈臣傳會邑子嚴助貴幸薦買臣詔見說春秋言楚辭帝甚悅之上拜買臣會稽太守又王尊傳雖拜為真未有殊絕褒賞又孝平紀注如淳曰諸官吏初除皆試守一歲廼為真食之俸乃為小吏跪伏使買臣等前及湯為御史大夫買臣坐法廢守長史見湯湯坐床上丞史遇買臣弗為禮王朝齊人也以術至右內史邊通官再至濟南相故皆居湯右已而失官守長史湯數行丞相事知此三長史素貴常凌折之以故三長史合謀知湯陰事於是上使趙禹責湯湯乃為書謝曰謀陷湯罪者三長史也遂自殺乃盡案誅三長史賈臣傳擔束薪行且誦書其妻亦負

吳詩集覽

卷十二上

六

戴相隨妻羞之求去買臣笑曰我年五十當富貴今已四十餘矣妻恚怒曰如公等終餓死溝中耳買臣不能留卽聽去久之拜為太守會稽聞太守且至發民除道入吳界見其故妻妻夫治道買臣駟車呼令後車載其夫妻到太守舍置園中給食之居一月妻自經死買臣乞其夫錢令葬左傳襄二十四年皆踞轉而鼓琴疏踞謂坐其上也盧昇之詩白璧故交輕正字通漢明帝諱莊改莊助為嚴助莊光為嚴光沉淪見遇劉雪舫淮南子蓬柏玉行年五十而知四

十九年之非空山見贈文園公原評三四語可括本傳詩如此作方不落套按三語括史記四語括漢書直如椽之筆也按漢書嚴助傳上問所居鄉里時助對曰家貧為友壻富人所辱上問所欲願為會稽太守卽以拜之是助已以會稽人為會稽守而所薦之買臣又以會稽人為會稽守故云連守龐元英談數引朱謙之詩會稽乞得無他念祇為歸來詫故妻卽第四句意

題朱子葵鶴洲草堂

明詩總朱茂時字子葵秀水縣學生承蔭官至貴陽知府

有咸春堂遺藁子葵鶴洲夜歸詩秋月清於水孤舟放鶴歸不知荷葉露風卷上人衣

別業堂成綠野邊養雛丹頂已千年仙人收箭雲歸浦

道士開籠月滿天竹下縞衣三徑石雪中清唳五湖田

裴公舊宅松陰在不數孤山夜放船

通首點染鶴字綠野裴公起結相應

○別業見西田詩杜有堂成詩唐書裴度傳於午橋創別墅名曰綠野堂

杜詩誰言養雛不自哺陸務觀詩

鶴養多年丹頂深宋子虛詩洞中養隻千年鶴會稽

記射的山南有白鶴山此鶴為仙人取箭漢太尉鄭宏嘗採薪得一箭頃有神人至問何所欲宏曰嘗患若耶

溪載薪為難願旦南風暮北風後果然雲歸見謁剖公宋延清詩六翻開籠任爾飛古詩三五明月滿子瞻後赤壁賦適有孤鶴橫江東來翅如車輪元裳縞衣

吳詩集覽

卷十二上

七

三徑見遣悶

朱子畫鶴詩清唳九霄聞五湖見贈家侍御按唐書裴度河東聞喜人其宅應在絳州一統

志午橋莊在洛陽縣南十里即唐裴度所居綠野堂也

則又為游宦後之宅鶴洲草堂不在晉豫而用綠野裴

公字者一統志裴休故宅在嘉興府秀水南四里休唐

宰相後捨宅為真如寺鶴洲當在其旁又子葵為太傅

文敏公國祚之裔故以晉公為比不云晉公而云裴公也杜詩杖藜長松陰李詩松高白鶴眠宋書林逋傳

隱居孤山畜兩鶴縱之則飛入雲霄通常泛艇游西湖寺有客至童子延客坐開籠縱鶴良久逋必棹小舟歸

放船見

駕湖曲

按明詩綜朱子蕃人日過伯兄貴陽守放鶴洲別業是宋朱希真園林舊址壁上題高工部詩戲作舊業

朱三十五曾種梅花滿枝恰喜草堂人日高三十五題詩跋云希真達夫俱行三十五而竹垞詩話亦云城南放鶴洲相傳為唐相別業然新舊唐書俱不言

休流寓吳下元嘉禾志明府志俱未之載而以洲名

爲宋南渡時禮部郎中朱敦儒所題云云其說與子
蕃合然竹垞放鶴洲探梅詩有云爲園傳故相自注
唐相裴休別業則竹垞亦未嘗專主前說
也一統志成於詩綜詩話之後今從之

題孫銘常畫蘭

誰將尺幅寫瀟湘窮谷無人吹氣香斜筆點芽依蘚石
雙鈞分葉傍篔簹謝家樹好臨芳砌鄭女花堪照洞房

我欲援琴歌九畹江潭搖落起微霜

通首點染蘭字瀟湘江潭起結相應

○瀟湘見玉京墓

左傳昭四年深山窮谷家語芝蘭生於深林不以無人而不芳洞冥記帝所幸宮人名麗

娟吹氣勝蘭

杜詩石欄斜點筆僧清洪詩待月伴雲眠蘚石雙鈞見觀通天帖篔簹見清風使節圖

林謝太傳問諸子侄曰子弟何預人事而正欲使其佳車騎答曰譬如芝蘭玉樹欲使生階庭耳芳砌見畫蘭

吳詩集覽

卷十二上

八

曲左傳宣三年鄭文公有賤妾曰燕姑夢天使與已
蘭曰以是爲而子旣而文公見之與之蘭而御之楚辭
娉容修態迴洞房斐子華子孔子援琴寫志按孔子
有猗蘭操九畹見彈琴歌枯樹賦今看搖落悽愴江
潭楚辭微霜降而下淪兮

送林衡者歸閩

梅村送林衡者還閩序衡者名佳璣興化之莆田人

五月關山樹影圓送君吹笛柳陰船征途鷓鴣愁中雨
故國桃榔夢裏天爽滌草荒書滿屋連江人去雁飛田

無諸臺上休南望海色秋風又一年

首句紀時次句點出送字三四歸閩

五六寫到歸閩以後結句從對面寫送字與起處相應
○關山見圓圓曲樹圓見揖山樓柳陰見西田詩

征途見黃子羽阮詩鷓鴣發哀音岑參詩到來函谷愁中月歸去磻溪夢裏山
枕柳見哭志衍宋史儒林

傳鄭樵字漁仲好著書居夾深山學者稱夾深先生一
統志鄭樵故宅在興化府仙遊縣東北霞溪前夾深草
堂在興化府莆田縣西北鄰林山韓詩城闕連雲草樹
荒杜詩床上書連屋按連江縣在福州府東北九十
里胡笳十八拍雁飛高兮逸難尋一統志漢閩越王
無諸墓在閩縣南二里有廟在南臺山季詩鷄聲海
色動高逵夫詩霜

鬢明朝又一年

按離騷恐鷓鴣之先鳴兮使夫百草爲之不芳文選
注鷓鴣一名買鷓鴣林西仲口鷓鴣卽詩所謂七月鳴
鷓者爾雅釋鳥鷓伯勞也漢書揚雄傳徒恐鷓鴣之
將鳴兮故先百草爲之不芳顏師古注引離騷曰鷓
鴣字也鷓鴣一名買鷓一名子規一名杜鵑鷓鴣字或
作鷓廣韻鷓鴣子規也集韻鷓鴣子鷓也鷓鴣或作
鷓鴣異物志杜鵑一名鷓周禽經鷓鴣子規也又曰
江介曰子規蜀右曰杜宇呂氏春秋作鷓燕卑雅杜
鵑一名怨鳥玉篇鷓亦布穀也本草又有鷓歸催歸
周燕陽雀諸名史記歷書百草奮興鷓鴣先渾徐廣

吳詩集覽

卷十二上

九

曰鷓音姊鷓音規子鷓鳥也一名鷓鴣索隱案大戴
禮作瑞雉老學菴筆記吳人謂杜宇爲謝豹合觀衆
說則鷓鴣種鷓鴣皆子規之別名矣然史記所云
百草奮興種鷓鴣先渾與離騷之鷓鴣先鳴百草不芳
迥不相合考史記之先渾指孟春時師古漢書注謂
子規常以立夏鳴鳴則衆芳皆歇而李時珍則謂春
暮卽鳴至夏尤甚田家候之以興農事似調停史記
漢書之說者時珍又辨服虔注漢書以鷓鴣爲伯勞
之誤今按孟子馭舌之馭作馭趙注以爲博勞楚辭
之鷓作鷓徧旁互有左右而本草綱目列伯勞杜鵑
爲二則林西仲益承服子慎之說而誤者李肇國史
補謂鷓鴣爲布穀與玉篇合後漢書襄楷傳注布穀一
名戴經一名戴勝月令季春之月戴勝降于桑夫洛
陽鷓啼宋人尙以爲異何緣于編月令時以子規紀
時乎則布穀自與鷓鴣爲二肇
益承顧希馮蕭愷之說而誤者

送文學博以蒼公招同任中峯寺

原注二公皆雲南人

西風驅雁暮雲哀頭白衝寒到講臺莫問間關應路斷

偶傳消息又兵來一峯對月茅菴在二老論心石壁開

揀取梅花枝上信明年移向故園栽首句是蒼公招次句是學博任寺三

四就學博說而蒼公亦在其中五六是同仁任結句就學博說與三四對照蓋此詩本為送學博作也○鮑詩北

風驅雁天雨霜衝寒見別字令講臺見虎邱圖間

關見呈李太虛甫史張邵傳水陸路斷拾遺記任未

或依林木之下編茅為菴溫飛卿詩論心若合

符李詩浪打天門石壁開梅信見送詹司李

鄧元昭奉使江右相遇吳門却贈梅村贈檢討鄧公墓誌其未舉

子也遍禱於山川夢日而生故名之曰旭字以元昭國朝詩別裁集元昭江南壽州人順治

丁亥進士官翰林院檢討著有林屋詩集江右見清風使節圖吳門見遇劉雪舫

五湖春草隱征笳畫舫圖書泊晚沙人謂相如初奉使

客傳高密且還家黑貂對雪溽陽樹綠酒看山茂苑花

回首石渠應賜馬玉河從獵雁行斜首句從吳門點入奉使次句畫舫圖

書跟征笳說下晚泊跟五湖說下三四言奉使暫歸兼點染鄧字也五句江右六句吳門結句以京師對照用

意更為周匝玉河五湖若相映帶○史記樂書胡笳似籥栗而無孔後世鹵簿用之畫舫見贈文園公杜牧

之詩烟籠寒水月籠沙夜泊秦淮近酒家相如奉使見送志衍入蜀注高密見又咏古戰國策黑貂之裘敝杜有對雪詩溽陽見送李友梅陶詩綠酒開芳

顏看山見商倩郊居吳都賦佩長洲之茂苑石渠見凌烟圖史記李斯傳中廐之寶馬臣得賜之玉河見洗象圖從獵見讚佛詩溫飛卿詩碧香烟濶雁行斜

雪夜苑先齋中飲博達旦五代史馬希範世家飲博謹呼漢書劉向傳或

不寐
達旦

扶杖衝泥逐少年解衣箕踞酒壚邊集作
壚非愁燒絳蠟消

千卷愛把青樽擲萬錢痛飲不甘辭久病狂呼却笑勝

高眠丈夫失意須潦倒劇孟平生絕可憐衝泥酒壚暗
寫雪字解衣

箕踞跟逐少年說下而已引入飲博之興矣中四句將

飲博達旦錯綜寫出結句歸注苑先○扶杖見後東臯

歌衝泥見送何省齋史記游俠傳多少年之戲解衣

見六韋歌箕踞見行路難其十八晉書王戎傳嘗經黃

公酒壚下過顧謂後車客曰吾昔與嵇叔夜阮嗣宗酣

暢於此今日視之雖近邈若山河白詩花房絳蠟珠

荆州記小西山石穴中有書千卷青尊見嘲張南垣

萬錢見送周子倣杜詩痛飲狂歌空度日許仲晦詩

久病先知雨狂呼見行路難高眠見洞庭山館聽雨

失意見琵琶行潦倒見送何省齋史記游俠傳雒

其二

吳詩集覽 卷十二 上

十一

陽有劇孟以任俠顯行大類
朱家而好博莊子可憐哉

張如哉曰類篇壚賣酒區也漢書食貨志令官作酒

率開一壚以賣又司馬相如傳文君當壚史記相如

傳作當鑪晉書阮籍傳作當鑪王戎傳作酒壚

後人多書作壚無作爐者爐乃鑪鑪之俗字也

相逢縱博且開顏興極歡呼不肯還別緒幾年當此夜

狂名明日滿人間松窗燭影花前酒草閣鷄聲雪裏山

殘臆豈妨吾作樂儘教遊戲一生閑開顏歡呼從前首
潦倒可憐翻出而

不肯還即寫出達旦也三四烘染達旦又苑先豪於遊

妙切身分兼見交情五句以飲字串夜字六句以夜字

串雪字結到作樂與開顏相應一生又拓開說則不止

達旦矣○高達夫詩千場縱博家仍富李詩開顏酌美

酒興極見朝張南垣韓詩隔牆聞歡呼韓致光詩
別緒靜悄悄狂名見送沈友聖陸天錫詩松窗燈

下火社詩屏開燭影許仲晦詩花前酒一樽社詩

五月江深草閣寒章應物詩門對寒流雪滿山李頎

詩零落梅花過殘臘集韻臘或作臍晉書向秀傳莊周
內外數十篇秀欲注嵇康曰此書詎須注正自妨人作
樂耳游戲

見讚佛詩

癸巳春日禊飲社集虎邱卽事

癸巳順治十年禊飲見補禊虎邱見

楚兩生序程迓亭曰癸巳春社九郡人士至者
幾千人第一日慎交爲主慎交社三宋爲主右

之德宜疇三德宏旣庭實穎佐之者尤展成侗
彭雲客瓏也次一日同聲爲主同聲社至之者

章素文在茲佐之者趙明遠炳沈韓倬世奕錢
宮聲仲諾玉其長發也太倉如王維夏吳郁計

登禾周子椒肇則聯絡兩社者凡以繼張西銘
虎邱大會詩中茂先往事蘭臺家世指西銘執

吳詩集覽

卷十二上

士

友如張受先陳大士周介生楊維斗輩諸郎如
大樽子闇公維斗子俊三輩也營邱謂李舒章

雲三首獨言松江故以五茸城領起文章興廢
謂幾社挽回風氣兄弟飄零謂宋子建讓木也

陳驚坐謂大樽顧陸顧修遠陸子元也四首釋
帷仍指西銘少弟謂西銘弟無近王治故人謂

王子彥瑞國廬陵指李太虛也袁子才曰顧陸
顧偉南陸子元也張如哉曰顧開雍字偉南華

亭人顧宸字修
遠無錫人俟考

楊柳絲絲逼禁烟筆床書卷五湖船青溪勝集仍遺老

白袷高談盡少年筍屐鶯花看士女羽觴冠益會神仙

茂先往事風流在重澗蘭亭意惘然首句紀時次句紀地三四社集而仍

字盡字已寓惘然之意五六是現在禊飲之盛結句俯
仰今昔卽從上文轉出又與三四關合卽通首俱靈矣

○楊柳絲絲見詠山茶花汝南先賢傳太原舊俗以介子推焚骸一月寒食莫敢烟爨唐書陸龜蒙傳升舟設蓬席賚束書茶竈筆床釣具五湖見送何省齋青溪見清風使節圖又南史劉瓛傳在檀橋瓦屋數間上皆穿漏學徒敬慕不敢指斥呼爲青溪焉梁簡文帝與廣信侯書每憶華林勝集亦叨末位史記樊鄴傳贊吾適豐沛問其遺老白裕見和西田韻高談見吳志衍荀履見題虎邱圖鶯花見送李雲田羽觴見補襖冠益見送何省齋杜詩神仙中人不易得茂先見九峯草堂歌一統志蘭亭在紹興府山陰縣西南二十七里李義山詩只是當時已惘然

其二

蘭臺家世本貽謀高會南皮話昔游執友淪亡驚歲月

諸郎才調擅風流十年故國傷青史四海新知笑白頭

吳詩集覽

卷十二上

三

修禊只今添俯仰北風杯酒酌營邱

此首感愴處多即所謂重過蘭亭意

惘然也貽謀昔游引起執友諸郎五句承執友說六句承諸郎說結句因西銘而并及同社亡友也○蘭臺見

送龔孝升詩貽厥孫謀高會見遇劉雪舫魏文帝與吳質書每念昔日南皮之游誠不可忘執友見送遠

圖序元詩武陵花謝憶諸郎才調見永和宮詞李義山詩酒壚從古擅風流青史見又咏古新知見送

龔孝升蘭亭序修禊事也又俯仰之間已爲陳迹酌酒見陳徵君祠營邱見九友歌松江府志李雯字舒

章華亭人崇禎壬午舉人國朝官中書舍人

其三

訪友扁舟挂席輕梨花吹雨五茸城文章興廢關時代

兄弟飄零爲甲兵茂苑聽鶯春社飲華亭聞鶴故園情

衆中誰識陳驚坐顧陸相看是老成說見上○挂席見觀通天帖百詩

梨花一枝春帶雨五茸見茸城行崔國輔詩一身猶

未理安得濟時代茂苑見贈鄧元昭戴幼公詩聽鶯

憶舊遊陸務觀詩社飲可欠我寄書約鄰翁華亭聞

鶴見茸城行漢書陳遵傳字孟公時列侯有與遵同

姓字者每至人門曰陳孟公坐中莫不震動既至而非

因號其人曰陳驚坐顧陸見洗象圖此借用詩雖無

老成人尚
有典刑

其四

絳帷當日重長楊都講還開舊草堂少弟詩篇標赤幟

故人才筆繼青箱抽毫共集梁園製布席爭飛曲水觴

近得廬陵書信否寄懷子美在滄浪起句指西銘次句連救菴在內三四

吳詩集覽 卷十二 上

十四

指救菴子彥五六指同集者結句蓋問說太虛○絳帷

見贈馮訥生注長楊見讚佛詩都講見西冷閨咏

魏伯起移梁朝文少弟升岡史記淮陰侯傳立漢赤幟

二千南史謝朓傳會稽孔顛粗有才筆未為時知青

箱見觀通天帖抽毫見閨園詩序梁園見東臯歌

禮若非飲食之客則布席蘭亭序引以為流觴曲水

顧逋翁詩近得麻姑書信否醉翁亭記廬陵歐陽修也

蘇州府志滄浪亭在郡學之東石林詩話廣陵王錢

元瓌池館慶歷間蘇舜欽子美得之傍水作亭曰滄浪

歐陽永叔滄浪亭詩子美寄我滄浪吟邀我共作滄浪

篇滄浪有景不可到
使我東望心悠然

陳鐸字霜赤中秋山塘文讌追和梅村先生稷集原

韻采蘭被袂自年年勝事風流擅昔賢地屬各區應

共賞人逢元度更誰先右軍亭子山陰榻短簿祠堂

學士篇俯仰古今還繼轍長空萬里月華鮮樽前一

夕卽千秋氣合椒蘭盡勝儔授簡鄒枚慚作賦忘年

孔李憶同游雉壇人散春風杏虎觀經橫落月愁從

此南皮高會後楚驍不必動離憂沈歸愚師塔影園
文讎第四首地是野王文讎地時當白帝駐車時于
秋懷古每如此四國名流某在斯深喜蘇瓌直有子
還希杜甫願多師只慚老我摧頽甚空艷梅村修禊
詩歸愚年譜乾隆十四年己巳八月虎邱塔影園
文讎遠近交至予成詩四律以續梅村文讎之後

投贈督府馬公

江南通志總督馬國柱奉天人順治四年任袁子才曰梅村之出大

由馬君促之此詩紀事按魏環極寒松堂集國柱字擎宇

伏波家世本專征畫角油幢細柳營上相始興開北府

通侯高密鎮西京江山傳箭旌旗色肩客圍棋劍履聲

勞苦溇陽新駐節舳艫今喜下湓城

首句是馬督府次句跟專征說三四

正寫督府五六是府中之盛督府兼轄江西末句蓋馬公新自江西回江寧也○伏波見葺城行專征見送杜

吳詩集覽

卷十二上

五

嵌武王詩畫角發龍吟白詩碧油幢引下西川漢書周亞夫傳河內守亞夫為將軍軍細柳史記陸賈傳賈謂陳平曰足下位為上相食萬戶侯可謂極富貴無欲矣始興見觀通天帖雷謙之南徐州志舊徐州都督以東為稱晉氏南遷徐州刺史王舒加北中郎將北府之號自此始也宋書謝晦傳昔荀中郎二十七為北府都督通侯見楚南生序高密見又咏古西京見鐵獅歌傳箭見越南廂園叟三國志費禕傳來敏至禕許別求共圍棋史記蕭相國世家乃令蕭何賜劍履上殿又項羽紀勞苦而功高如此溇陽見續史雜詩後漢書鄧禹傳輒停車主節以勞來之白詩駐節語依依舳艫見海市湓城見呈李太虛

其二

十年重到石城頭細雨孤帆載客愁累檝久應趨幕府
扁舟今始識君侯青山舊業安常稅白髮衰親畏遠遊

慚媿推賢蕭相國邵平只合守瓜邱此首就自己說前
後半首申明已意想見梅村身分與子美投贈哥舒開
府不同○杜牧之詩重到笙歌分散地石城頭見哭志
衍杜詩春帆細雨來季易安詞載不動許多愁累
檄見雁門尚書行序補注幕府見讀西臺記史記李
斯傳此直君侯之事舊業見壽王子彦晉書吐谷渾
傳國無常稅衰親見鑿清湖注司馬子長報在安
書推賢進士爲務蕭相見退谷歌邵平
瓜見讀史雜詩注杜詩每見秋瓜憶故邱

自嘆

誤盡平生是一官棄家容易變名難松筠敢厭風霜苦
魚鳥猶思天地寬鼓枻有心逃甫里推車何事出長干

旁人休笑陶宏景神武當年早掛冠自投贈馬督府以
下皆梅村應

吳詩集覽卷十二上

六

召時途中作而此詩全作解嘲語也名高之累第二句
切言之正是自嘆處松筠句思貞苦節魚鳥句欲得安
居五六句言丁嗣父艱儘願歸隱并再出金陵童可不
必末二句言南渡時一月早歸非熱中應仕者比也敢
厭猶思有心何事休笑早掛字字解嘲而以自嘆命題
便與怨天尤人者不同○一官見哭志衍棄家見送
沈友聖容易見琴河感舊史記貨殖傳范蠡變名易姓
禮如竹箭之有筠也如松柏之有心也劉文房詩得
罪風霜苦全生天地仁梁書忠壯世子方等傳嘗著
論曰魚鳥飛浮任其志性若使吾終得與魚鳥同游則
去人間如脫屣耳岑參詩九州天地寬琵琶鼓枻而
去甫里見贈徐子能唐書陸龜蒙傳或號天隨子甫里
先生推車見壽王鑑明長干見贈李雲田梁書陶
宏景傳字通明秣陵人永明中脫朝服掛冠神武門

登上方橋有感

原註橋時新修極雄壯望見天壇
崩地盡矣一統志上方橋在江

寧府上元縣東南明天地壇在上元縣洪武門
外明史禮志明初建園邱于正陽門外鍾山之

陽江寧府志順治三年九月內院洪承疇操院
陳錦守道林天肇知府李正茂重修上方橋于
八年二月橋成

石梁天際偃長壕勢壓魚龍敢遁逃壯麗氣開浮廣術
虛無根削插崩濤秋騰萬馬鞭梢整日出千軍輓餉勞

回首泰壇鐘磬遠江流空繞斷垣高前半首登上方橋後半首轉合有感

○張見蹟詩石梁雲外立天際見石公山廣韻壕城下池也韓詩雷風戰鬪魚龍迷漢書高祖紀蕭何曰天子以四海爲家非壯麗無以重威說文術邑中道也虞伯生詩闕除正廣術區井表深瀆虛無插根見縹緲峯萬馬見雁門尚書行鞭梢見贈穆大苑先杜詩筆陣獨掃千人軍漢書高帝紀老弱罷轉餉柴于泰壇祭天也鐘磬見贈願雲師謝元暉詩大江流日夜王介甫詩頽垣斷壑有平沙

吳詩集覽卷十二上七

鍾山明史地理志應天府東北有鍾山山南有孝陵衛

王氣消沉石子岡放鷹調馬蔣陵旁金棺移塔思原廟

原注金棺爲誌公在鷄鳴寺玉匣藏衣記奉常原注太常有高廟衣冠楊柳重

栽馳道改櫻桃莫薦寢園荒原注時當四月聖公沒後無抔土

姑孰江聲空夕陽起二句點出孝陵三四是明時之鍾山五六是本朝之鍾山七八寄懷

獨深有感於南渡之監國者也梅村詩於此等處最工

遇南廂園叟夾道栽垂楊指明季言之此詩楊柳重栽則入本朝矣○南史周宏正傳且王氣已盡消沉見葺城行三國志諸葛恪傳建業南有長陵名曰石子岡

十里遼史道宗紀制製放鷹賦季正已詩新開金塔

看調馬一統志吳大帝蔣陵在上元縣北二十二里金棺移塔見遇南廂園叟史記叔孫通傳願陛下爲原

廟渭北衣冠月出游之益廣多宗廟大孝之本也 玉

匣見永和宮詞奉常見琵琶行序 曲禮集說馳道人

君驅馳車馬之路謝元暉詩飛薨夾馳道垂楊蔭御溝

明史禮志薦新四月櫻桃杏鱒魚雉又洪武八年學

士樂韶鳳等言漢諸廟寢園有便殿日祭于寢月祭于

廟 後漢書劉元傳元字聖公光武族兄也按元即更

始帝降後封長沙王者元本傳詔大司徒鄧禹葬之於

霸陵而云無抔土者亦借用語耳抔土見鴛湖曲 一

統志姑孰故城即今太平府當塗縣治明史福王傳辛

卯夜由崧走太平趨黃得功軍癸巳由崧至蕪湖詳讀

史雜感第八首李君虞

詩魏國山河半夕陽

按韓元少有懷堂集南巡 聖德詩鍾山弓劍

地兩度 翠華迴玉笋申 躬獻瑤函讀

御裁老瑞呈日角遺種閑雲來總為隆唐宋

天言冠史才可以見 本朝待前明之厚矣

臺城 綱目質實臺城在鍾阜側今胭脂井南至高

陽基二里為軍營及民蔬圃者皆是 大

吳詩集覽 卷十二上 六

清一統志故臺城在上元縣治元武湖側容

齋隨筆世謂禁省為臺故謂禁城為臺城

形勝當年百戰收子孫容易失神州金川事去家還在

玉樹歌殘恨未休徐鄧功勳誰甲第方黃骸骨總荒邱

可憐一片秦淮月曾炤降幡出石頭 此悲南京之覆也

之艱次句歎福王亡國之易容易二字括盡福王君臣

三句言成祖靖難雖非明祖之意然猶父傳于子四句

言福王荒淫則天命去之矣五句城內非舊六句城外

改觀七八借月憑弔烟波無限詩中變化之境也○南

史劉善明傳淮南近畿之形勝百戰見楚兩生行 容

易見琴河感舊史記孟子傳騶衍以為中國名曰赤縣

神州 明史恭閔帝紀燕兵犯金川門谷王穗及李景

隆叛納燕兵都城陷 許仲晦詩玉樹歌殘王氣終明

建文帝詩野老吞聲哭未休 徐鄧見越南廂園叟駱

賓王詩俄聞衛霍有功勳甲第見送杜嶽武 明史方

孝孺傳字希直一字希古寧海人金川門破燕兵入帝自焚是日孝孺被執下獄命磔諸市父黃子澄傳名湜以字行分宜人燕師起王泣誓將吏曰陷害諸王非由天子意乃奸臣齊泰黃子澄所爲也京城陷磔死漢書項羽傳願賜骸骨歸羅昭諫詩三分孫策竟荒邱李詩長安一片月秦淮見閩州行李詩會照吳王宮裏人韓詩降幡夜豎劉夢得詩千尋鐵鎖沉江底一片降幡出石頭

原評此借臺城咏南渡事若出義山手猶隱躍言之句句貼定金陵是詩律細處不曰金陵而曰臺城是用意深處結句直似弔臺城者故曰化境也按一統志方孝孺墓在江寧縣聚寶山而蘇州府志黃子澄墓在崑山縣馬鞍山之陽詩益連類及之耳

呂履恒字元素金川門詠史金川北望日黃昏聞道燕師入此門不見古公傳季歷祇知太甲是湯孫風雷豈爲鴟鴞變江漢難招杜宇魂南渡降旗何面目西山省恨舊乾坤

吳詩集覽 卷十二 上

九

國學 明史選舉志初改應天府學爲國子學後改建於鷄鳴山下既而改學爲監

松栢曾垂講院陰後湖烟雨記登臨桓榮空有窮經志伏挺徒增感遇心四庫圖書勞訪問六堂絃管聽銷沉

白頭博士重來到極目蕭條淚滿襟 首句曾字次句記字寄愾已深三四

之空有徒增即從此出也桓榮伏挺蓋以自比然四庫雖重而六館非昔徒下博士之淚而已梅村曾官司業故言之深切○杜詩西掖梧桐樹空留一院陰天

清一統志宋天禧初知昇州丁謂言城北有後湖宜復舊制疏爲陂塘以蓄水江寧府志先師廟天印在

前元武湖居後鍾山峙左雞鳴環右元武湖之水循宮牆而南合于青溪秦淮之水入青溪而北抵于雞籠皆

合襟於前以爲聖宮護衛杜牧之詩多少樓臺烟雨中桓榮見壽王鑑明窮經見朱買臣墓南史伏

挺傳字士操梁天監初除中軍參軍事居宅在潮溝於

宅講論諸聽者傾朝挺三世同時聚徒教授罕有其比
除南臺書侍御史被劾懼罪乃變服出家後遇赦乃出
還俗侯景亂中卒江有擬劉文學楨感遇詩 四庫見
汲古閣歌圖書見觀通天帖左傳昭元年子產曰晝以
訪問 六堂見遇南廂園叟李義山詩內殿張絃管銷
沉見茸城行 漢書百官表武帝建元五年初置五經
博士 杜詩長
使英雄淚滿襟

觀象臺 見遇南廂園叟

候日觀雲倚碧空一朝零落黍離同昔聞石鼓移天上

原注元移石鼓于大都 今見銅壺沒地中黃道只看標北極赤鳥

還復紀東風郭公枉自師周髀千尺荒臺等廢宮 原注

郭守敬所造 首句題面次句題意三句賓四句主五句見 帝京之盛六句言南臺空在也結句醒出合

吳詩集覽 卷十二 上

廿

起句意○洪範傳天子立靈臺所以觀天文之變而候
日月左傳桓五年凡分至啟閉必書雲物梁簡文帝詩
朝光蕩碧空 一朝零落見行路難詩被黍離離 石
鼓見二十五日詩注一統志石鼓初在陳倉野中唐鄭
餘慶取置鳳翔縣學而亡其一宋皇祐四年十數乃足
大觀二年自京兆移汴梁靖康二年金輦至燕置王宣
撫家復移大興府學元大德末虞集為大都教授得之
泥草中始移今所在國子監沈雲卿詩漢家城闕疑天
上 陸士衡刻漏賦挈金壺以南羅王仲初詩未明排
仗到銅壺按沒地字出左傳隱十一年鄭莊公語 明
史天文志星旣依黃道行而赤道與黃道斜交其度不
能無增減者勢也又北極出地度分北京四十度南京
三十二度半 赤鳥見九峯草堂歌 春秋莊公二十
有四年郭公此借用晉書天文志漢靈帝時蔡邕於朔
方上書言宣夜之學絕無師法周髀術數具存又蔡邕
所謂周髀者卽蓋天之說也髀者股也股者表也明史
天文志洪武十八年設觀象臺於鷄鳴山二十四年鑄
渾天儀所用簡儀則郭守敬遺制 荒臺見海戶曲

大清一統志明故宮
在上元縣紫禁城內

鷄鳴寺

大清一統志鷄鳴山本名鷄籠山南

後改為寺後瞰元武湖前
附京城登覽之勝處也

鷄鳴寺接講臺基扶杖重游涕淚垂學舍有人鋤野菜

僧寮無主長棠梨雷何舊席今安在支許同叅更阿誰

惟有誌公留布帽高皇遺筆讀殘碑

原注寺壁有高廟御筆題贊誌公像

此首以第二句為眼目而第二句又以重字為眼目
有人無主寫出荒涼安在阿誰感愴係之見寺都非昔
惟有殘碑如舊耳皆重游時目中之景意中之語也○
講臺見題虎邱圖 扶杖見後東臯歌王仲宣詩中心
孔悼涕淚漣漣後漢書儒林傳序學舍頽敝鞠為園
蔬枉彥之詩時挑野菜和根煮 僧寮見送純祐浙幕

吳詩集覽

卷十二上

廿一

子山小園賦有棠梨而無館許仲晦詩寢園無主野菜
開南史雷次宗傳字仲倫豫章南昌人也宋元嘉十
五年徵至都開館於鷄籠山以儒學總監諸生時國子
學未立上留意藝文使丹陽尹何尚之立元學太子率
更令何承天立史學司徒參軍謝元立文學凡四學並
建阮詩梁王安在哉世說支道林許掾諸人共在會
稽王齋頭遁為法師許為都講段柯古詩當時乏支許
何人契深致傳燈錄仁慧大師上堂口我與釋迦同參
阿誰見壬辰補袂南史釋寶誌傳沙門釋寶誌者不
知何許人有於宋太始中見之出入鍾山往來都邑武
帝乃迎入華林園少時忽重著三布帽亦不知於何得
之俗呼為誌公 未句見遇南廂園叟殘碑見讚佛詩

功臣廟

明史太祖紀三年春正月乙巳立功臣廟
於鷄籠山

年建與

史異

畫壁精靈間氣象鄂公羽箭衛公刀丹青賜額豐碑壯

槩戟傳家甲第高鹿走三山爭楚漢鷄鳴十廟失蕭曹

英雄轉戰當年事采石悲風起怒濤

此首皆寫功臣廟之壯麗惟於未二

句見感懷與前後諸首小異○畫壁見西田和韻按鄭室甫今言死者塑其象生者虛其位而此云畫壁蓋借用語耳隋書音樂志精靈畢臻春秋演孔圖正氣為帝間氣為臣秀氣為人

杜詩猛將腰間大羽箭又褒公鄂公毛髮動舊唐書凌烟功臣二十四人衛國公李靖

第一鄂國公尉遲敬德第七新唐書鄂國公敬德第六衛國公靖第七按常遇春初封鄂國公鄧愈初封衛國

公然玩其詩意借唐將以為比耳且常鄧久贈王爵矣

王仲初詩賜額御書金字貴豐碑見讀西臺記

槩見壽龔芝麓傳家見觀法帖甲第見送杜敬武

史記淮陰侯傳蒯通曰秦失其鹿天下共逐之今楚漢分爭使天下無罪之人肝腦塗地父子暴骸骨於中野不可勝數按此比士誠友諒之戰也士誠友諒皆未至金陵然二雄滅後金陵乃安耳

吳詩集覽

卷十二上

廿

南顧寧人亭林集鷄鳴山下有功臣十廟杜詩指揮若定失蕭曹

英雄見蟋蟀盆歌轉戰見讀史雜詩

明史太祖紀至正十五年諸將請直趨集慶太祖曰取集慶必自采石始采石重鎮守必固牛渚前臨大江彼

難為備可必克也六月乙卯乘風引帆直達牛渚常遇春先登拔之采石兵亦潰緣江渚壘悉附別詳采石磯悲風見鴛湖曲怒濤見贈馮子淵

元武湖

建康志宋元嘉中蔣陵湖有黑龍見改名元武湖

周廻四里

覆舟西望接陂陀千頃澄潭長綠莎六代樓船供士女

百年版籍重山河

原注湖置黃冊庫禁人游玩

平川豈習昆明戰禁

地須通太液波烟水不關興廢感夕陽聞已唱漁歌

原注

時已有漁舟非復昔日之禁矣起二句點出湖景三四見其為黃册重地也五六作為問答之詞結句烟波無限妙與三四反對○天清一統志覆舟山在上元縣東北十里波陀見洗象圖後漢書黃憲傳注若千頃沈雲卿詩碧水澄潭映遠空元詩雨打桐花

蓋綠莎衛萬詩六代帝王都按六代吳晉宋齊梁陳樓船見董山兒周禮天官小宰聽閭里以版圖註版

戶籍也明史食貨志上戶部者册面黃紙故謂之黃册

上元縣志中有舊洲新洲及龍引蓮萼等洲置庫於洲

上以貯天下之圖籍五代史唐臣傳周德威曰平川

廣野騎兵所長漢書西南夷傳越嶲昆明國有滇池方

三百里漢使求通身毒國為昆明所閉欲伐之故作昆

明池以習水戰在長安西南週迴四十里三國志高

柔傳乃敢獵吾禁地漢書武帝紀帝作大池漸臺二十

餘丈名曰太液池柳文暢詩太液滄波起温飛卿詩

五湖烟水獨忘機漁歌見磬清湖序漁洋文畧登塔

望後湖湖亦號昆明池故明貯天下版籍之所今網罟

弗禁夕陽顏澹野水縱橫中惟荷葉田田千頃鳧鷖將

吳詩集覽

卷十二上

三

子十百成羣嗷嗷波間而已

秣陵口號

秣陵見馬草行鮑有還都口號

車馬垂楊十字街河橋燈火舊秦淮放衙非復通侯第

原註中山賜宅改作公署廢圃誰知博士齋易餅市傍王殿瓦換魚

江上孝陵柴無端射取原頭鹿收得長生苑內脾此首

淋漓如聽雍門之琴蓋前七首各舉一事而言此則觸

緒興懷萬感交集也結句有彈指現須彌之趣○

大清一統志鎮淮橋在江寧府城南門外即古朱雀桁

所橫跨秦淮長十有六丈燈火見塗松晚發放衙見

簡姜明府通侯見楚兩生序中山宅詳遇南廂園叟袁

子才曰中山宅今為布政司署其外宅曰西園屬吳氏

六朝松在焉廢圃見過王菴感興博士見國學原

化記賀知章謁賣藥王老問黃白術持一大珠遺之老

人得珠卽令易餅與賀賀心念寶珠何以市餅老叟曰
慳吝未除術何由成杜詩蒼鼠竄古瓦不知何王殿

一統志明太祖孝陵在上元縣東北朝陽門外當鍾山
之陽本朝亦設陵戶守衛康熙二十八年

諭嚴禁樵牧韓詩原頭火燒靜兀兀碧里雜存初作
孝陵於鍾山之陽因山多鹿禁人捕獵而設孝陵衛於

山下特置牧馬千戶所蓋取義鹿馬欲其蕃息耳明
皇雜錄明皇狩至咸陽原有大鹿張果老曰昔武帝改

於山林獲此鹿將捨去之日命東方朔以鍊銅爲牌刻
成文字繫於左角下驗之不謬鄭賓仙詩長生鹿瘦銅

牌垂岫菴瑣語明朝南京孝陵內畜鹿數千項懸銀牌
人有盜宰者抵死崇禎末年余解糧到京往游陵上猶

見銀牌鹿往來林木中始信唐世芙蓉
園獲漢時宜春苑銅牌白鹿爲不誣也

原評梅村詠前朝事滄桑悲感俱近盛唐按金陵
遺事多有篇咏錢秉鐙字幼光金陵卽事秋山無樹

故陵嶒幾度支筇未忍登荒路行愁逢匹馬舊交老
漸變高僧鐘樓自吼南朝寺佛埵還然半夜燈莫向

吳詩集覽 卷十二上

廿

雨花臺北望寒雲黯澹是鍾陵趙漢字雙白白門雜
感滿眼飛花落御溝霜鐘聲斷景陽樓官家詔促蛾

眉選府第粧成鳳侶愁不道金蓮纔學步無端瓊樹
已先秋琵琶泣向關山月何處香魂葬玉鈎彭孫適

字駿孫金陵懷古杜宇啼殘百感生西風建業舊神
京詩成狎客遺簪會酒泛諸郎按曲聲江外羽書空

絡繹禁中刀刺正縱橫大官別有長生藥不假天台
刺史行萬里山陵萬古愁南司北部總悠悠屠沽白

立宮中市竈養爭除關內侯肯向人問求故劍誰從
闕下問泉鳩姑谿幕府空貔虎一夕龍車不可留黃

與堅字庭表金陵雜感勅選良家降墨封玉車輕憶
進昭容花開並蒂鴛鴦煖酒醉同心琥珀濃蕭寺鼓

鼙驚翡翠蔣山風雪壘芙蓉飄零故劍秋江上回首
長干冷暮鐘龍虎鍾山百戰雄朔風吹浪下鱧鱸雕

戈壓陣黃沙斷鐵鎖沉江赤燒空鷓鴣觀消春雪裏
鳳凰臺冷暮雲中由來帝業終荒草銅狄何曾戀漢

宮阮旻錫字疇生金陵懷古風吹蘆荻作秋聲夢裏
猶疑舊戰爭烽火久銷京口戍寒潮還打石頭城長

江自昔稱天塹滄海何年洗甲兵
我本烟波垂釣客孤舟今夜月
空明胡會恩字孟綸詩建業曾傳半壁
安秦淮鳴咽暮濤寒六朝寂寞青山在
十廟陰沉畫壁殘禾黍故墟屯鐵馬
烟花南部失雕闌隔江玉樹歌聲斷
更有哀絃向月彈章靜宜字湘御詩
鷄鳴山上滿青莎元武湖邊空碧波
草沒故陵埋石馬月明荒徑泣銅駝
六宮夜雨棠梨落萬里秋江葦荻多
猶有南朝城堞在景陽遺恨獨悲歌
汪沅字右湘讀南渡野史作過江名士
競從龍佐命先邀五等封闔外新開都
護府師中羣噪大司農文章江令嫻歌
譜遊宴長星勸酒鍾忽訝雙眉愁不展
佳伶稀選未央宮龍盤虎踞石頭城
跋扈親磨漢水兵相國臨戎防北伐
將軍卷甲急南征華林但問蝦蟆語
葛嶺惟聞蟋蟀聲燕子春燈韜畧在不
須司馬更連營石爲崧字五中秋日坐
秦淮水榭聞故老談金陵遺事木落江
南秋暮天開元詠罷轉茫然荆榛曾記
從龍日鼙鼓還傳失鹿年夜月照殘樓
十二金風吹冷殿三千憑誰坐說長江
險玉樹歌終亦可憐包彬字文在金陵

吳詩集覽

卷十二上

廿五

雜感萬峯青拜故宮前王氣收時總黯然
西下戈鋌飛書鶴北來笳鼓賦啼鶻春風
淚灑桃花扇夜月歌殘燕子箋彈盡淒涼
天寶曲江南愁殺李龜年

吳詩集覽卷十二下

七言律詩二之下

無題

我錢仲文有江行無題詩非艷詩也艷詩無題始於李義山然花間集詞皆無題故朱竹

垞以草堂詩餘之詞題為非則無題之詩近於詞矣張如哉曰無題四首蓋為玉京妹下敏而

作按其詩意如繫艇垂楊映綠潯到處鶯花畫舫輕即畫蘭曲之今年掛楫洞庭舟柳暗桑濃

眷結樓也畫裏綠楊堪贈別即畫蘭曲之主人邀我圖山色也玉人湘管畫簾深即畫蘭曲之

官索傳來畫蘭筆也相逢只作看山行即畫蘭曲之何似杜陵春榭飲樂遊原上採蘭人也飛

瓊二句即畫蘭曲之誰堪幽夢牽羅袖也細賦風光異舊時即畫蘭曲之又云憔悴非昔時東

風二句即畫蘭曲之移入東風碧玉欄也其中情事悉與畫蘭女子相近且梅村于剋白楚雲

吳詩集覽

卷十二下

一

瑜芬倩扶諸妓都無隱語至玉京道人更明白抒寫纏綿盡致獨下敏既歸申氏自未便輕露姓名耳詩中飛瓊漫道人間識已自道矣所可疑者四首屢言作詩而畫蘭曲無之也

繫艇垂楊映綠潯玉人湘管畫簾深千絲碧藕玲瓏脆

一卷芭蕉展轉心題罷紅窗歌緩緩聽來青鳥信沉沉

天邊恰有黃姑恨吹入蕭郎此夜吟

繫艇垂楊即指玉人言之故三四皆

極贊玉人語也紅窗微歌無如青鸞信杳此是玉人之恨然天上人間恨者不少願托天風吹入蕭郎之耳故

知起句指玉人不指蕭郎矣○高季迪詩繫艇岸垂花沈休文詩吐綠照清潯玉人見琴河感舊陳敬初詩

自拈湘管認啼痕杜牧之詩四面朱樓卷畫簾季義山詩莫將越客千絲網和詩佳人雪藕絲拾遺記西王

母來進萬歲冰桃千年碧藕范致能詩甘瓜削玉藕玲瓏羣芳譜蕉一名甘蔗一名芭蕉一名芭苴一名天

首一名綠天一名扇仙草類也詩展轉反側白詩畫
梁巧折紅窗破按詞名有紅窗聽歌緩緩見王郎曲
青鳥見鴛湖閨咏沉沉見琵琶行杜牧之詩昭陽歌斷
信沉沉荆楚歲時記河鼓黃姑牽牛也皆語之轉
蕭郎見琴河感舊李
詩此夜曲中聞折柳

王介甫詩西窗一夜無人問展盡芭蕉數尺心唐庠
詩春心正似芭蕉卷羞見直男並蒂花此在梅村以
前者鄭王臣字慎人香草草人如楊柳眠還起心似
芭蕉卷不舒此在梅村以後者然慎人句爲出藍矣
李義山詩芭蕉不展丁香香
結同向東風各自愁更住

其二

到處鶯花畫舫輕相逢只作看山行鏡因硯近螺頻換
書爲香多蠹不成媿我白頭無治習讓君紅粉有詩名

吳詩集覽 卷十二下

飛瓊漫道人間識一夜天風返碧城此首於纏綿中有
解脫語當於言外

得之三四錯綜其詞對鏡試螺因硯近而頻換聚書防
蠹爲香多而無虞香奩體中不嫌其纖○鶯花見鴛湖
閨詠畫舫見贈文園公羅鄴詩相逢休作憶山吟看
山見商倩郊居 陸務觀詩墨試小螺看斗硯 呂和
叔詩紙上香多蠹不成 易治容海淫 杜詩結東多
紅粉歡娛恨白頭張文昌詩多生修律業 外學得詩各
本事詩許澶嘗夢登山人曰此崑崙也既入見數人
飲酒賦詩云曉入瑤臺露氣清座中惟有許飛瓊塵心
未斷俗緣在十里下山空月明他日復夢至其處飛瓊
曰子何故顯余姓名于人間卽改爲天風吹下步虛聲
曰善 碧城
見西泠閨詠

其三

錯認微之共牧之誤他舉舉與師師疎狂詩酒隨同伴

細膩風光異舊時畫裏綠楊堪贈別曲中紅豆是相思

年華老大心情減辜負蕭娘數首詩

張如哉曰微之央絕於蒲東牧之薄

倖於青樓故以自况綠楊贈別見其人已遠紅豆相思

則我懷如訴矣寫盡悵望之情又曰疎狂詩酒承微

之牧之說細膩風光承舉師師說心情已減故云錯

認辜負蕭娘乃真誤他也○唐詩紀事元稹字微之杜

牧字牧之○北里志鄭舉舉者居曲中亦善令章張那

基汴都平康記政和間李師師崔念月二妓名著一時

實耳錄道君北狩更有李師師小傳○百詩疎狂屬年

少同伴見彈琴歌○元寄薛濤詩細膩風光我獨知杜

詩文武衣冠異昔時○百詩綠楊陌上送行人○本草

相思子一名紅豆別見琵琶行注○字山杖屨年華未

暮容貌先秋老大見送何省齋補注季有中詩寒松肌

骨鷓心情○張如哉曰李少卿答蘇武書陵雖孤恩漢

亦負德此後人用辜負字

所本蕭娘見鶯湖閨咏

吳詩集覽

卷十二下

三

或問玉京與鹿樵生一見遂欲以身許酒酣拊几而

顧生故為若弗解者長歎凝睇後亦竟弗復言此詩

起結似咏其事無題四首其亦為玉京作乎張如哉

曰按玉京傳聽彈琴歌在乙酉歲踰兩年渡浙江已

歸東中諸侯梅村于癸巳赴○召時玉京早乞身

下髮侯保御氏于吳中矣不應仍在江寧也若以為

與琴河感舊同時作則更在乙酉以前故無題詩非為玉京作也

其四

鈿雀金蟬籠臂紗開粧初不鬪鉛華藏鉤酒向劉郎賭

刻燭詩從謝女誇天上異香須有種春來飛絮恨無家

東風燕子知多少珍重雕闌白玉花

前半首贊美之後
半首亦贈別之意

○顧阿瑛詩寶雀玉蟬簪髻翠輝致光詩醉後金蟬重

晉書胡貴嬪傳泰始九年帝多簡良家子女以充內職

自擇其美者以絳紗繫臂二夢記唐末宮中髻號開掃掃形如焱風散鬢蓋盤鴉墮馬之類鉛華見玉京臺

探蘭雜記古人以二十九日為上九初九日為中九十九日為下九每月下九置酒為婦女之歡女子以是

夜為藏鈎諸戲藝經藏鈎即今藏闔李義山詩隔座送鈎春酒暖李楚望詩一聲歌罷劉郎醉脫取明金壓繡

鞋高季廸詩賭酒射中堂刻燭謝女見西冷閨詠李山甫詩一片異香天上來晉書張華傳茂先卿尚有

種也劉夢得詩春盡絮飛留不得隨風好去落誰家為楊枝別樂天作也杜牧之詩掃眉才子知多少

宋豈詩遺情更說何珍重離闌見圓圓曲李義山詩柳詩已帶黃金縷仍飛白玉花

或謂此等詩多屬寓言如楚辭之美人香草然其二之愧我白頭無冶習讓君紅粉有詩名其三之年華

老大心情減辜負蕭娘數首詩斷非比體梅村集中推行路難第十七首古意六首為寓言耳餘於出處

之義故國之思多質言之也

吳詩集覽 卷十二 下

百草堂觀劇杜牧之詩魏帝縫裳直戲劇

肯將游俠誤躬耕愛客村居不入城亭占綠疇朝置酒

船移紅燭夜鳴箏金蠶斫鱸霜螯美玉粒呼鷹雪爪輕

原注主却話少年逢社飲李心然諾是平生觀劇於第

人好獵餘皆形容愛客另是一格○游俠見又咏古躬耕見汲古閣歌曹詩公子敬愛客村居見避亂入城見冬霽

顏延年詩行漾觀綠疇置酒見王郎曲紅燭見孫孝若山樓杜詩絃將手語彈鳴箏南都烟花錄南人

魚鱸細糶金橙拌之號為金蠶玉鱸斫鱸見磬清湖陸務觀詩江浦得霜螯杜詩碧酒隨玉粒襄陽耆舊傳

劉表為荊州刺史築臺名呼鷹高越咏鷹詩雪爪星眸世所希社飲見癸巳禊飲史記季布傳季布弟季

心以勇布以諾著聞關中然諾見哭志衍

送李秀州擢寧紹道

按浙江通志分巡寧紹道康熙九年設二十三年改為寧

紹台道巡海道于康熙六年裁而嘉興知府李國棟遼東錦州人順治六年任巡海道李國棟順治十年任則隆吉即國棟寧紹應改書海道耳又通志載寧紹道止三人無氏李者

楊柳春風起郡樓故人嚴助昔同游烟霞到處推仙吏

槩戟今看冠列侯長水圖書移遠棹大雷笳鼓對清秋

閱兵海上應西望秦駐山高即秀州

前半首總寫後半首秀州寧紹分寫

○楊柳春風見謁張石平琴參詩江雲黑郡樓嚴助見朱買臣墓國語世同居少同遊第三句見簡姜明府槩戟見壽龔芝麓史記高祖紀六年論功與諸列侯剖符行封一統志長水塘在嘉興府嘉興縣南六里圖書見松鼠張南史詩遠棹漳渠水一統志大雷山在寧波府奉化縣西南四十里四明支山也曹景宗

吳詩集覽

卷十二下

五

詩歸來笳鼓競清秋見贈雪航春秋桓六年秋八月壬午大閱一統志寧波府境東南北三面環海西望出左傳成十三年呂相語一統志秦駐山在嘉興府海鹽縣南十八里濱海

周櫟園有墨癖嘗苗墨萬種歲除以酒澆之作祭

墨詩友人王紫崖話其事漫賦二律

黃虞稷櫟下先生行狀先

生姓周氏諱亮工字元亮河南開封府祥符縣人先世居金谿之櫟下因自號櫟園先生籍大梁而寔白下也感舊集補傳元亮崇禎庚辰進士官戶部侍郎世說阮籍胸中壘塊故須酒澆之按祭墨詩賴古堂集不載惟行狀內有喜墨歲暮嘗約同人為祭墨之會程迓亭曰王紫崖不知何詩人本武將國變後為僧以紫崖自晦其名

倉香詞賦擲金聲家住元都對管城萬笏雅應推正直

一囊聊復貯縱橫藏雖黯澹終能守用任欬斜自不平

磨耗年光心力短只因耽誤楮先生

楮集作楮 此首咏墨○漢官儀向

書郎含鷄舌香伏奏事晉書孫綽傳綽作天台賦成示

范榮期曰卿試擲地當作金石聲 杜詩屋前太古元

都壇此借用退之毛穎傳毛穎者中山人也封之管城

老學菴筆記伯祖中大夫好墨成癖李黃門邦直在

真定常寄先左丞以陳瞻墨四十笏盡以為伯祖壽書

平康正直 杜詩有作成一囊縱橫見哭志衍 黯澹

見畫蘭曲 欬斜見松鼠李義山詩心中自不平 蘇

詩人非磨墨墨磨人楊炯詩年光搖樹色心力見汲古

閣歌 金史五行志童謠云耽誤盡少年人玉篇耽俗

耽字更記三王世家注楮先生穎川人仕元成間張如

哉曰楮字當從木用退

之毛穎傳楮先生之楮

其二

吳詩集覽 卷十二 下

六

山齋清玩富琳琅似璧如圭萬墨莊口啜飲同高士癖

頭濡書類酒人狂但逢知己隨濃澹若論交情耐久長

不用黃金費裴褰伴他銅雀近周郎

此首為櫟園寫生 句句切墨○庚詩

雲氣滿山齋歐陽原功詩山莊劉氏富清玩書厥貢惟 球琳琅玕 詩如圭如璧張邦基墨華漫錄序僕喜藏 書隨所寓榜曰墨莊故題其首曰墨莊漫錄 東坡集 茶可於口墨可於目蔡君謨老病不能飲則烹而玩之 呂行甫好藏墨而不能書則時磨而小啜之此又可以 發來者之一笑也書影滕達道蘇浩然呂行甫皆好啜 墨水 國史補張旭飲醉輒草書揮筆而大叫以頭盪 水墨中而書之醒後自視以為神異更記荆軻傳荆軻 雖游於酒人乎 杜詩濃澹樹榮枯 唐書魏元同傳 元同與裴炎締交能保終始號耐久朋 彙苑顏潛菴 詩一笏烏金貯豹囊 銅雀見永和宮詞父房四譜古 瓦現出相州魏銅雀臺里人掘土往往得之時水數日

不滲周郎
見圓圓曲

贈陽羨陳定生

一統志陽羨故城在常州府宜興縣南五里常州府志陳貞慧字定

生宜興人少保于廷第四子徐原一陳檢討誌
銘貞慧副榜貢生改官生贈檢討梅村言辟疆
壽序在者天下多故江左尙晏然一時高門子
弟才地自許者陽羨陳定生歸德侯朝宗與辟
疆為三人品覈執政裁量公卿雖甚強梗不能
有所屈撓有皖人者流寓南中故奄黨也會三
人者置酒鷄鳴球酒酣輒眾中大罵曰若奄兒
媼子乃欲以詞家自贖乎於是大恨次骨申酉
之亂彼以攀附驟枋用興大獄以修舊郅定生
為所得幾填牢戶朝宗遁之故鄞山中南中人
多為辟疆耳
日者跳而免

溪山翫畫好歸畊櫻筍琴書足性情茶有一經直處士

吳詩集覽

卷十二下

七

橘無干絹舊清卿

原注故御史大夫子

知交東冶傳鈎黨子弟南

皮負盛名却話宋中登望遠天涯風雨得侯生

原注定生偕侯

朝宗在南中幾及鈎黨禍侯生歸德人

贈定生而切

其里第家世子弟友生則定生之身分自出矣○樂史

寰宇記沂溪今俗呼為翫畫溪在宜興縣南三十六里

秦中歲時記長安四月己後自堂厨至百司厨通謂

之櫻筍厨琴書見六直歌溫飛卿詩松竹風姿鶴性情

陽羨茶見永和宮詞茶經見壽陸孟鳧一經見贈蔡

羽明賓退錄五代唐帝謂史虛白曰真處士風月主人

蜀歐陽彬也襄陽耆舊傳李衡為丹陽太守遣人往

武陵龍陽泛洲上作宅種橘千株臨死勅兒曰吾州里

有千頭木奴不責汝食歲上匹絹亦當足用耳北史袁

聿修傳邢邵報書曰弟昔為清郎今日更作清卿矣明

詩總陳于廷字孟鐸宜興人起為南京都察院右都御

史召總內臺知交見贈吳雪航南史袁彖傳為冠軍

將軍監吳興郡坐過用祿錢免官付東冶武帝遊孫陵

望東冶曰冶中有一好貴囚鉤黨見讀史雜詩板橋雜
記大鍼恨朝宗羅致欲殺之朝宗跳而免并欲殺定生
也定生大爲錦衣馮可宗所辱南皮見癸巳稌飲盛
名見王郎曲按子弟謂陳維崧其年維岳緯雲宗石子
萬等也杜詩昔我遊宋中一統志歸德府周爲宋國
登望見讀西臺記天涯見送何省齋詩小序風雨思
君子也按侯生字借用史記信陵君傳明史劉澤清傳
請法司嚴緝故總督侯恂及其子方域朝廷皆曲意從
之發寇紀畧懷阮光祿大鍼者負縱橫才以閹黨故
廢歸德侯方域嘗借其友移書罵之方域侍郎恂次子
也當左兵南潰方域僑寓陪都大鍼頌言良玉爲賊而
目侯以同反國朝詩別裁集方域字朝宗河南商邱
人

張如哉曰陳其年夏日河間詩孤篷遠道思綿綿伏
枕陰成倍悄然扁鵲廟荒帆似雪非兮城暮草如烟
他鄉雲水愁中跡故國陰涼夢裏緣聞道南皮還此
地寒冰朱李是何年或其年兄弟曾在南皮故此詩

吳詩集覽 卷十二下

八

用之與
俟考

江樓別幼弟字令

五律別字令弟云昨歲衝寒別
蕭條北固樓正指此江樓也蓋

梅村北上時字
令送之於此

野色滄江思不窮登臨傑閣倚虛空雲山兩岸傷心裏

雨雪孤城淚眼中病後生涯同落木亂來身計逐飄蓬

天涯兄弟分攜苦明日扁舟聽曉風

從江樓起三四將
江樓別弟寫成一

片五六是傷心淚眼之由結句點出別字○賈閬仙詩
過橋分野色滄江見讀西臺記 傑閣見讚佛詩虛空

見林屋洞 兩岸見閬州行補注楚辭曰極千里兮傷
春心張子澄詩獨有離人開淚眼杜詩乾坤醉眼中

生涯見塗松晚發落木見遇具和尚身計見送穆
苑先軒詩秋來相顧尚飄蓬 天涯見送何省齋分攜

見贈願雲師唐明皇詩鷄聲逐曉風

揚州揚州見閩州行

疊鼓鳴笳發棹謳榜人高唱廣陵秋官河楊柳誰新種
御苑鶯花豈舊游十載西風空白骨廿橋明月自朱樓

南朝枉作迎鑾鎮難博雷塘土一邱

次句點明揚州三四緊承揚州生感

五六一虛一實結句所感者深○謝元暉鼓吹曲疊鼓送華朝魏畧從者鳴笳以啟路王冷然詩隋家天子憶揚州鳴笳疊鼓泛清流鮑詩瞰川悲棹謳榜人見磬清湖序西京雜記齊首高唱聲入雲霄一統志揚州府表漢廣陵國元和志合廣渠本吳所掘邗溝水路也今謂之官河通鑑隋紀大業元年開邗溝自山陽至揚子入江渠旁皆築御道樹以柳一統志隋苑在揚州府江都縣北七里鶯花見贈李雲田舊遊見虎邱夜集

吳詩集覽

卷十二下

九

圖白骨見閩州行

杜牧之詩二十四橋明月夜一統志古二十四橋在揚州府甘泉縣西門外後漢書馮衍傳伏朱樓而四望兮南朝見韓蘄王墓五代史楊溥世家溥至白沙閱舟師徐溫來見以白沙為迎鑾鎮

杜牧之詩揚帝雷塘土迷藏有舊樓一統志隋煬帝冢在甘泉縣西北雷塘末二句與鍾山結句足相發明丹鉛錄岑參凱歌鳴笳搥鼓擁回車今本搥作疊非近制啟明定昏鼓三通曰發搥當用此字俗作搥非搥亦俗字然差善于搥古樂府官家出游雷大鼓雷轉作去聲用

其二

野哭江村百感生鬪鷄臺憶漢家營將軍甲第橐弓卧

丞相中原拜表行白面談邊多入幕赤眉求印却翻城

當時只有黃公覆西上偏隨阮步兵集作編非此首甲史可法而兼及

同時諸將也○野哭出禮記裴航傳一飲瓊漿百感生
後主相遇當卽是吳公臺也吳公臺在甘泉縣西北四
里一名鷄臺祖詠詩笳鼓喧喧漢將營 甲第見送杜

嶽武詩載橐弓矢

綱目漢後主建興五年三月丞相

亮率諸軍出屯漢中以圖中原文選前出師表注亮率
軍北駐漢中臨發上疏晉書劉牢之傳拜表輒行按拜

表卽行史可法傳中語也

晉書何充傳荆楚國之西

門豈可以白面年少猥當此任哉宋書沈慶之傳今欲
伐國而與白面書生輩謀之事何由濟晉書郗超傳郗

生可謂入幕之賓矣

東觀漢記樊崇欲與王莽戰恐

其衆與莽兵亂乃皆朱其眉以相識別由是號曰赤眉
魏書秦王翰附傳共謀翻城寄園寄所寄與平伯高傑

字英吾顧獨有意揚州揚州居天下膏腴有新舊二城

城外爲肆賣區子女環寶累萬萬高放手剽掠人屠創
日以百數保者恐授兵登陴誓死守是時史公方渡江

誓師高見揚人之暴骨者載道慮公以爲非法趣其下
宵坎而埋之旣庭謁請公開城門納其兵公弗許謀止

吳詩集覽

卷十二下

十

公以要之公談笑不爲動徐草奏與以瓜步城衆稍稍
懼服按傑本流賊竊李自成妻邢氏來降故以赤眉比

之三國志黃蓋字公覆零陵泉陵人也

晉書劉宏

傳引兵欲西上步兵見又咏古杜詩直憂阮步兵明史
諸王傳左良玉舉兵武昌以救太子誅士英爲名順流

東下阮大鍼黃得功等帥師禦之又左良玉傳時築版

堵磯爲西防曰西

何所防此爲我耳
陸雲士曰南都情事該括
無遺筆有抑揚意仍含蓄

其三

盡領通侯位上卿三分淮蔡各專征東來處仲無他志

北去深源有盛名江左衣冠先解體京西豪傑竟投兵

只今八月觀濤處浪打新塘戰鼓聲

此首詠四鎮等事
處仲借說左兵以

誅馬阮爲各深源借說高傑銳意北上也○通侯見楚
兩生序退之平淮西碑既定淮蔡專征見送杜牧武
明史諸王傳史可法督師江北召士英入分淮揚鳳廬
爲四鎮以總兵官黃得功劉良佐劉澤清高傑領之
晉書王敦傳字處仲永昌九年率衆內向以誅劉隗爲
名後漢書袁紹傳非有他志晉書王羲之傳殷浩將
北征羲之以爲必敗又殷浩傳字深源續晉陽秋陳郡
殷浩素有盛名時論比之管葛故徵浩爲揚州讀史訂
疑唐人諱曷以丙丁爲景丁諱淵以殷淵源爲深源
晉書王述傳永嘉不競誓都江左南史袁憲傳後主謂
曰非惟由我無德亦是江東衣冠道盡左傳成八年四
方諸侯其誰不解體 投兵見遇劉雪舫枚叔七發
將以八月之望與諸侯遠方交游兄弟並往觀濤乎廣
陵之曲江李詩浪打天門石壁開一統志新塘在揚
州府城北十里

戰鼓見東萊行

王忬字懌民揚州次梅村韻牙門置酒宴公卿錦纛
雕鞍命北征縛袴健兒誰轉戰借籌策士總虛名百

吳詩集覽

卷十二下

十一

年洛蜀關時運六代烟花兆甲兵擊楫中流無限恨
夜闌欹枕聽江聲趙進美字韞退廣陵懷古爭奉華
林翠輦遊空傳宰相領揚州青中結陣兵先破白水
臨江氣已收五馬荆榛迷晉渡千家燈火亂隋樓遺
民猶自歌袁粲日暮風烟接石頭沈磐字石鈞金陵
漫興元老宜參帷幄籌誰令分闔鎮揚州廟堂夾勝
全無策宰相臨戎豈自由百戰餘生終殉國九原
遺恨在同舟至今嗚咽邗溝水徧遶蕪城哭未休

其四

撥盡琵琶馬上絃玉鈞斜畔泣嬋娟紫駝人去瓊花院

青冢魂歸錦纜船豈菹梢頭春十二菜萸灣口路三千

隋堤璧月珠簾夢小杜曾游記昔年

此首悲揚州夢也四首首尾合之分

之俱成章法是梅村得意之筆○陶秀實詞琵琶撥盡
相思調王子羽詩欲飲琵琶馬上催一統志揚州府

戲馬臺其下有路號玉鉤斜為隋葬宮女處嬋娟見行
路難〔杜詩〕紫駝之峯出翠金季義山詩人去紫臺秋
入塞〔統志〕蕃釐觀在江都縣治東中有瓊花俗名瓊
花觀〔青家〕見彈琴歌魂歸見青門曲張見蹟詩金堤
分錦纜〔杜牧之詩〕娉媵裊裊十三餘豈蕊梢頭二月
初〔一統志〕茱萸溝在江都縣東北運河分流也以北
有茱萸村故名亦名茱萸灣〔趙景直〕答嵇茂齊書悠悠
三千路難涉矣〔吳子華詩〕隋隄風物已淒涼〔南史〕張
貴如傳璧月夜夜滿〔杜牧之詩〕春風十里揚州郭捲上
珠簾總不如〔小杜〕見贈霍魯齋〔杜牧之遺懷詩〕十年
一覺揚州夢贏得青樓薄倖名

韋端已詩昔年曾向武陵遊
陳恭尹字元孝隋宮詩穀落通淮日夜流渚荷宮樹
不曾休十年士女河邊骨一笑君王鏡裏頭月下虹
蜺生水殿天中綵管在迷樓繁華
往事那江外風起楊花無那愁

過維揚弔衛少司馬紫岫〔原注〕衛韓城人與余同
年同官後以少司馬死

吳詩集覽 卷十二下

十一

揚難〔劉希夷詩〕潮平見維揚〔明史〕高傑傳傑
移駐徐州以左中允衛允文兼兵科給事中監

畫省連床正論文〔正集作〕天涯書劍忽離羣非關衛穰

需開府欲下高昂在護軍〔原注〕高杰秦人朝議以紫岫
同鄉拜兵部侍郎典其軍事

葬骨九原江上月思家百口隴頭雲故人搖落邗溝暮

為酌椒漿一慟君〔前半首指紫岫初作監軍時後半首

省皆以粉壁畫古賢列士曰畫省亦曰粉省朱子詩妙
語夜連床〔陳伯玉詩〕書劍百夫雄按書劍字蓋出於
項羽紀學書學劍離羣見送繼起和尚〔晉書〕衛瓘傳
字伯玉河東安邑人也晉王卽位拜侍中轉廷尉卿鄧
艾鍾會之伐蜀也瓘以本官持節監艾會軍事開府見
老妓行〔北齊書〕高昂傳〕字敖曹數為劫掠州縣莫能

治高祖方有事關隴以昂爲西南道大都督漢書百官
公卿表護軍都尉秦官元壽元年更名司徒元始元年
更名護軍明史高傑傳傑米脂百人禮趙文子與叔譽
觀乎九原思家見訪霍魯齋百口見避亂其三古樂
府有隴頭歌柳文暢詩隴首秋雲飛搖落見讚佛詩
邢溝見閬園序椒漿見登封烈婦一慟見哭亡女
按傑傳允文以兵垣監軍非侍郎也又史可法傳士
英思可法威名加故中允衛允文兵部右侍郎總督
與平軍以奪可法權允文傑同鄉也陷賊南還傑請
爲已監軍傑死允文承士英指疏請可法士英喜故
有是命則衛爲侍郎已在監傑軍之後與詩中原注
不盡合又可法傳中敘揚州死難者甚悉醫者畫士
市民舟子皆書姓名而不及允文或以允文陷賊南
還又附士英請可法故削而不書與然如劉國慶劉
國能曾爲賊將尙得以死事立傳梅村此詩
或亦傳聞之異也一統志亦不載允文事

過淮陰有感

淮陰見臨淮老放行袁子才曰紀行
諸首時露流離牽挽之意當非浪作

吳詩集覽

卷十二

三

落木淮南雁影高孤城殘日亂蓬蒿天邊故舊愁聞笛
市上兒童笑帶刀世事直成反招隱吾徒何處續離騷

昔人一飯猶思報廿載恩深感二毛

起句點出淮陰下
六句用淮陰故事

結句實寫有感○韓詩淮南悲木落二統志淮安府唐
屬淮南道雁影見海戶曲殘日見韓韞王墓蓬蒿見
雁門尙書行向子期思舊賦序余與嵇康呂安居止
接近其人並有不羈之才後各以事見法余逝將西邁
經其舊廬於是日薄虞淵寒冰淒然隣人有吹笛者發
聲寥亮追思曩昔遊宴之好感音而歎故作賦云按賦
有經山陽之舊居明史地理志淮安府山陽倚史記
淮陰侯傳淮陰屠中少年有侮信者曰若雖長大好帶
刀劍中情怯耳衆辱之曰信能死刺我不能死出我袴
下於是信熟視之俛出袴下蒲伏一市人皆笑信以爲
怯王康琚反招隱詩小隱隱陵戴大隱隱朝市漢
淮南王劉安招隱士序招隱士者淮南小山之所作也

小山之徒閔傷屈原身雖沉沒名德顯聞與隱處山澤無異故作招隱土之賦以彰其志也漢書揚雄傳又旁離騷作重一篇名曰廣騷陸務觀詩更書香草續離騷一飯見送杜于皇淮陰侯傳信喜謂漂母曰吾必有以重報母左傳
注二毛頭白有二毛

其二

登高悵望八公山琪樹丹崖未可攀莫想陰符遇黃石
好將鴻寶駐朱顏浮生所欠止一死塵世無繇識九還

我本淮王舊雞犬不隨仙去落人間

通首用淮陰故事而奇嶮獨深○悵

望見琴河感舊一統志八公山在鳳陽府壽州北少東五里孫興公遊天台山賦琪樹璀璨而垂珠丹崖見歸雲洞廬子行詩庭中琪樹已堪攀王子安詩梁岷未可攀陰符經上篇下篇漢張良著史記留侯世家良

吳詩集覽

卷十二下

十四

嘗聞從容步游下邳圯上有一老父出一編書曰讀此則爲王者師矣後十年與十三年孺子見我濟北穀城山下黃石卽我矣遂去無他言不復見旦日視其書乃太公兵法也漢書劉向傳上復與神仙方術之士而淮南有枕中鴻寶苑秘書百詩又無丹藥駐朱顏浮生見二十五日詩北史劉聰時陳休卜崇爲人清直素惡王沈等曰吾輩年逾五十職位已崇惟欠一死耳宋史范質傳但欠世宗一死爲可惜耳元詩塵世苦憧憧隱丹經九還丹合九轉言九遍循環也神仙傳淮南王好道白日升天時藥置庭中雞犬舐之盡得升天故鷄鳴天上犬吠雲中
注

守溪詩不教名字落人間

贈淮撫沈公清遠

黎城高濟謙仲偕曰江南通志順治六年裁去鳳撫歸總漕兼

理巡撫事王文奎浙江人順治二年任沈文奎卽王文奎復姓順治十年再任

秋風杖節賜金貂高會巖更響麗譙去國丁年遼海月

還家甲第浙江潮書生禮樂修元雁諸將弓刀掣皂鵬

飯是東南資轉餉功成蕭相未央朝起句與清遠相遇三四是清遠往事

五六寫清遠近績也結句稱願之意○杖節見送杜牧

武漢書谷永傳戴金貂之飾西都賦衛以嚴更之署

麗譙見樓閣晚角季少卿答蘇武書丁年奉使遠海

見拙政園序甲第見送杜牧武宋延清詩門對浙江

潮書生見雪中遇獵儀禮大夫相見以雁諸將見

讀史雜感弓刀見避亂社詩皂鵬寒始急漢書高帝

紀老弱罷轉餉又蕭何傳夫漢與楚相守滎陽數年

軍無見糧蕭何轉漕關中給食不乏未央見遇南廂園

與

淮上贈嵇叔子阮紫坪曰嵇名宗孟淮人由舉人官至杭州守

湖海相逢一俊英風流中散舊家聲琴因調古須防怨

詩為才多莫近名濁酒如淮歌慷慨蒼髯似戟論縱橫

慚余亦與山公札抱病推遷累養生通首從嵇字生情五六是淮上叔子

結最用意○三國志陳登傳陳元龍湖海之士豪氣不

除賈閻仙詩湖海相逢客恨多杜詩淮海維揚一俊人

康傳初康嘗游乎洛西暮宿華陽亭引琴而彈夜分

忽有客詣之稱是古人與康共談音律辭致清辨因索

琴彈之而為廣陵散聲調絕倫遂以授康耿漳詩綠琴

聽古調左傳襄三十一年不聞作威以防怨晉書孫

登傳嵇康又從之游登乃曰子才多識寡難乎免於今

之世矣莊子為善無近名嵇叔夜詩古人有言善莫近

名康傳濁酒一杯左傳昭十二年有酒如淮慷慨見

又詠古孔叢子臣嘗行臨淄市見屠商焉身修八尺

嵇康康與書告絕沈雲卿詩朝則抱病走陶詩日月推遷康傳乃著養生論

吳詩集覽卷十二下 圭

過宿遷極樂菴明日晤陸紫霞年兄話舊有感統

志宿遷縣在徐州府東一百里海寧陳模曰極樂菴在宿遷縣西北馬陵山後程迓亭曰陸紫霞名奮飛崇禎辛未進士宿遷縣志陸奮飛字紳霄歷九江道解組歸里話舊見遇劉雪舫

同時知己曲江遊縱酒高歌玉腕驅黃葉渾隨諸子散

白頭猶幸故人留雲堂下榻逢僧飯雪夜聽鐘待客舟

如此衝寒緣底事相逢無計訴離愁前半首話舊後半首有感結氣用意

○國史補進士大宴於曲江亭子謂之曲江會杜詩

白首放歌須縱酒陶詩抗音高歌杜有玉腕驅詩黃葉見維摩楓林絕勝韓君平詩把酒故人留陸務觀詩身是雲堂旦過僧沈休文詩賓至下塵榻高達夫詩僧飯屢過門子鵠詩遙聽綵山半夜鐘陶詩誰言客舟遠衝寒見別字令元詩甯戚飯牛緣底事杜

吳詩集覽卷十二下

牧之詩寧復緩離愁

白鹿湖陸墩詩原注在宿遷縣東為紫霞年兄避兵處一統志白鹿湖在宿遷縣

西南五十里宿遷縣志陸奮飛解組歸里居白鹿湖之東柳洲

招提東望柳堤深雁浦魚莊買棹尋墩似謝公堪賭墅

湖如賀監早抽簷雲遮老屋容君卧月落空潭照此心

百頃荷花千尺水夜涼兄弟好披襟前半首寫景後半首言情穩勻之作

○唐會要官賜額為寺私造者為招提蘭若僧輝記招提者梵言拓闢提奢唐言四方僧物但傳筆者詛拓為招去闕奢留提字即今十方住持寺院耳柳堤見鷺湖曲滕王閣序雁陣驚寒聲斷衡陽之浦魚莊見送杜敬武朱子詩買舟至西郭李詩冶城訪遺蹟猶有謝公墩一統志謝公墩在上元縣北江寧府志金陵有兩

謝公墩在冶城北與永慶寺南者乃謝安石所眺若荆
公宅之半山寺所云謝公墩乃謝元所居在舊內東長
安門外銅井菴傍所謂半山里者荆公或誤以爲大傳
也賸聖見送沈釋堂唐書賀知章傳字季真肅宗爲
太子遷賔客授秘書監天寶初請爲道士詔許之又求
周宮湖數頃爲放生池有詔賜鏡湖剡川一曲字山小
園賦迺又美於抽簪方俟雅言詞暮雲遮陳無已詩
老屋無僧燕作家空潭句見謁剡公百頃見避亂
詩臨有荷華李詩桃花潭水深千尺
孟詩松月生夜涼披襟見宮扇

自信

自信平生懶是真底須辛苦踏春塵毋逢墟落愁戎馬
却聽風濤話鬼神濁酒一杯今夜醉好花明日故園春

長安冠蓋知多少頭白江湖放散人

詩成之後拈首二字爲題如杜詩能

吳詩集覽

卷十二下

七

畫歷歷之類其原出於毛詩三句追言明末時到處避
兵四句言風波相迫又赴宣室之召也五句旅况六句
鄉思結句言長安多熱客冀得放歸也○杜詩近識峨
嵎老知余懶是真又文章差底病韞詩有底忙時不
肯來享典底設疑之辭辛苦見遇劉雪舫墟落見茸
城行戎馬見題志衍畫杜詩春江不可渡二月已風
濤史記賈生傳孝文帝問鬼神之本賈生因具道所以
然之狀濁酒一杯見贈嵇叔子元詩好花須是少
年看盧允言詩似見故園春冠蓋見送何省齋孟
詩花落知多少唐書陸龜蒙傳自號江湖散人

新河夜泊

一統志新河在淮安府清河縣西北四十五里黃河分流也杜牧之詩夜泊秦

淮近
酒家

百尺荒岡十里津夜寒微雨濕荆榛非關城郭炊烟少

自是河山戰鼓頻倦客似歸因望樹遠天如夢不逢人

扁舟蕭瑟知無計獨倚篷窗暗愴神起句點題三四承上用流水法後半

言情是從泊字用意也時漸近京故情詞漸迫○荒岡見下相懷古補注按一統志于家岡九里岡皆在桃源

縣黃河之濱而新河與桃源接界荒岡疑指此蘇軾黨詞夜寒江靜山銜斗潘安仁閒居賦微雨新晴六合

清明荆榛見又詠古其二陸務觀詩茅簷細雨濕炊烟河山見閬州行戰鼓見東萊行陸士衡詩余本

倦遊客王介甫詩楚天如夢水悠悠蘇詩

玉笙哀怨不逢人又篷窗高枕雨如繩

將至京師寄當事諸老

梅村周安人墓誌當世祖章皇帝之十載

詔舉遺佚偉業與王楚先同徵此蓋將入都之作當事見後東臯歌方岳字巨山詩北望未

忘諸老在

柴門秋色草蕭蕭幕府驚傳折簡招敢向烟霞堅笑傲

吳詩集覽卷十二下

大

却貪耕鑿久逍遙楊彪病後稱遺老周黨歸來話 聖

朝自是 璽書修盛舉此身只合伴漁樵此首就初被徵而言作自

相商度之詞用幕府字者歸其事於諸老也○柴門見避亂草蕭蕭見讚佛詩幕府見讀西臺記三國志王

凌傳卿直折簡召我我當敢不至耶唐書田游巖傳泉石膏盲烟霞網疾笑傲見閩園詩帝王世紀鑿井

而飲耕田而食逍遙見避亂後漢書楊彪傳魏文帝受禪欲以彪為太尉先遣吏示指彪辭曰彪備漢三公

遭世傾亂不能有所補益髡年被病豈可贊維新之朝固辭遺老見虎邱卽事後漢書逸民傳周黨字伯况

太原廣武人也勅身修志州里稱其高及光武引見黨伏而不謁自陳願守所志謝君直却聘書某與太平草

木同沾聖朝之雨露璽書出史

記李斯傳漁樵見九峯草堂歌

莫嗟野老倦沉淪領畧青山未是貧一自弓旌來退谷

苦將行李累衰親田因買馬頻書券屋為牽船少結鄰

今日巢由車下拜淒涼詩卷乞閒身此首就初戒塗而言野老閒身首尾

相應而用莫嗟字起車下拜止俱歸到諸老甲裏○野

老見遇南廂園叟沉淪見遇劉雪舫陸務觀詩賴

有春風能領畧逆詩翹翹車乘召我以弓詩子子干

旌元次山詩隨我畚退谷行李見送周子俶衰親見

磬清湖補注程迓亭婁東耆舊傳順治中當路有疑其

獨高節全名者強薦起之兩親懼禍及門戶嚴裝促應

徵漢書貢禹傳陛下過意徵臣臣賣田百畝以供車

馬率船見高郵道中吳子華詩東城去結鄰宋史

鄭起傳趙普笑謂人曰今日甚榮得巢

由拜於馬首閒身見虎邱夜集圖

其三

吳詩集覽 卷十二 下 九

匹馬天街對落暉蕭條白髮悵誰依北門待詔賓朋盛

東觀趨朝故舊稀雪滿關河書未到月斜宮闕雁還飛

赤松本是留侯志早放商山四老歸此預寫到京時情

故舊漸稀也况故舊亦有留侯之志者何不放四皓歸

山乎用意更深一層○匹馬見送穆苑先天街見洗象

圖王無功詩山山惟落暉北門待詔見凌烟圖注谷

永謝王鳳書廁之賓朋之末東觀見贈陸生楊處厚

詩閬闔既趨朝琴參詩門前雪滿無人跡關河見避

亂白詩月斜天未明史記留侯世家願棄人間事

其四

欲從赤松子遊耳一統志留縣故城在徐州府沛縣東

南漢六年封張良為留侯又商山在陝西商州東晉

書涼武昭王冨傳情逍遙以遠寄想四老

之暉光四老即四皓見二十五日詩注

平生蹤跡儘繇天，世事浮名總棄捐。不召豈能逃聖代，無官敢即傲高眠。匹夫志在何難奪，君相恩深自

見憐。記送鐵崖詩句好，白衣宣至白衣還。四皓雖不仕漢，如商山之

芝亦當知高帝之恩。三四句暗用其意。○蹤跡見遇劉雪舫。晉書阮籍傳遺落世事，浮名見別乎。令棄捐見

贈陸生。常建詩聖代多才俊。無官見訪文學博高眠。見洞庭山館聽雨。按第八句即宋潛溪贈楊鐵崖

詩也。見過鐵崖墓。

吳慎思題梅村集有云：宣去可能如老鐵，放歸未許戴黃冠。沈歸愚師曰：梅村為盛名所累，未能如鐵崖

之放歸，由未能如鐵崖之陳詩也。今按梅村蓋陳詩於當事而未陳於當宁耳。

讀友人舊題走馬詩于郵壁漫次其韻。玩此詩語意友人為

吳詩集覽 卷十二 下 三

楊龍友以第二首前四句定之也。第一首中四句極肖南渡時事，而十載鹽車悲道路，指官江

寧知縣為御史詹兆恒所劾，一朝天馬蹴風烟。指起兵部遷副使擢巡撫之事。乙酉五月駐京

口與大清兵隔江相持，初九日大清兵乘霧潛濟，迫岸諸軍始知倉皇列陣，甘露寺

文驄走蘇州，故有軍書已報韓擒虎夜半新林，早着鞭之句也。二首足備詩史。

數卷殘編兩石弓，書生搖筆壯懷空。南朝子弟誇諸將

北固軍營畏阿童，江上化龍圖割據，國中指鹿詫成功。

可憐曹霸丹青手，銜策無人付朔風。起二句有橫槊賦詩之槩，中四句寫

時事而不脫馬字，結到畫馬點染之妙。○殘編見送周子俶舊唐書張靖宏傳，韋雍謂軍士曰：天下無事，爾輩

挽兩石弓不如識一丁字。書生見壽龔芝麓搖筆見送徐次桓韓詩風雲入壯懷。南朝北固見韓蘄王墓

送徐次桓韓詩風雲入壯懷。南朝北固見韓蘄王墓

諸將見讀史雜感 晉書五行志孫皓天紀中童謠曰
河童復阿童銜刀游渡江不畏岸上獸但畏水中龍
又大安中童謠曰五馬浮渡江一馬化爲龍陸士衡辨
亡論遂割據山川跨制荆吳 指鹿見讀史雜感 曹
霸見送沈繹堂蘇詩何年顧陸丹青手 禮記正
義序泛駕之馬設銜策以驅之杜詩呼兒問朔風

其二

君是黃驄最少年 驍驪凋喪使人憐 當時只望勲名貴

後日誰知書畫傳 十載鹽車悲道路 一朝天馬蹴風烟

軍書已報韓擒虎 夜半新林早著鞭 龍友死難得與大樽正希諸公同傳

幸矣本與士英姻 契而夙工畫 故三四及之也 起句及後半首亦以馬字點染時事 ○周書裴果傳先登陷陣

時號黃驄年少 杜詩忍使驍驪氣凋喪 勲名見東萊行 書畫傳見觀通天帖 賈生弔屈原文驥垂兩

吳詩集覽 卷十二下

耳服鹽車兮 史記大宛傳大宛多善馬馬汗血其先

天馬子也 楊炯詩風烟鳥路長 禾蘭詩軍書十二卷

韓擒虎見王京彈琴歌 新林見讀史雜感 晉書劉琨傳吾枕戈待旦常恐祖生先吾着鞭其意氣相期如此

過鄭州 一統志在邱縣本戰國燕鄭邑唐景雲二年於鄭縣置鄭州並領任邱畿輔通志鄭州城在河間府任邱縣北三十里

馬滑霜蹄路又長 鴉鳴殘雪古城荒 河冰雨入車難過

野岸沙崩樹半僵 邢邵文章埋斷碣 公孫樓櫓付斜陽

只留村酒雞豚社 香火年年賽藥王 三四能狀難言之景餘亦工整 ○周

美成詞馬滑霜濃不如休去直自少人行 李遐叔詩

鷓鴣秋殿曉 鄭守愚詩溝淺浮春岸 雪殘劉滄字蘊靈

詩衡門猶對古城荒 李詩曉雪河水壯 杜詩側生野岸及江蒲 又常苦沙崩損藥欄 韓詩森森萬木野僵

立北史邢邵傳字子文章典麗既瞻且速一統志

邢巒鄭人邵巒族弟文履吉詩斷碣偃龍蛇三國志

公孫瓚傳今吾樓櫓千重高澹人扈從西巡日錄引沈

德符野獲編鄭州卽公孫瓚所築易京東坡詩可攷一

統志麴義壘在河間縣東北漢末袁紹令麴義攻公孫

瓚因築此壘然非公孫之壘也易京城在保定府雄縣

西北三國志公孫瓚與袁紹戰走易京固守爲圍塹十

重於塹裏築京皆高五六丈爲樓其上中塹爲京特高

十丈自居焉雄縣至任邱界二十里故梅村連類用之

耳斜陽見白燕吟村酒見送李友梅方萬里詩許追

父老鷄豚社香火見謁三義廟一統志藥王廟在任

邱縣鄭州城東北長桑君廟西祀扁鵲高澹人扈從西

巡日錄藥王廟專祀扁鵲香火最盛每年

四月賀藥王生日史記扁鵲傳渤海鄭人

梅村有滿身風雪宿任邱之句與此詩殘雪古城荒

一時作也程迓亭燕程日記按史記扁鵲鄭人也

徐廣以爲當作鄭人則意亦如春秋之攢韓重邱各

國自有其地而非河南之鄭州明矣又今世皆以藥

王爲扁鵲故梅村鄭州詩亦有香火年年賽藥王句

非也續神僊傳載藥王姓韋名古道號歸藏西域天

竺人開元二十五年入京師紗中毳袍杖履而行腰

繫葫蘆數十廣施藥餌瘵人多效帝召入宮圖其形

賜號藥王

吳詩集覽

卷十二下



